

道

金石錄卷十五

跋尾五

槐廬叢書

宋東武趙明誠德父編著

吳縣朱記榮校刊

跋尾五

漢

漢孔子廟置卒史碑

漢東海相桓君海廟碑

漢孔君碣

漢韓明府孔子廟碑

漢吉成侯州輔碑

漢州輔碑陰

漢州輔墓石獸膊字

漢郎中鄭君碑

漢丹楊太守郭文碑

漢議郎元賓碑

漢孫叔敖碑陰

漢封邱令王元賞碑

漢王元賞碑陰

漢冀州刺史王純碑

漢王純碑陰

漢倉頡廟人名

漢成皋令任伯嗣碑

漢任伯嗣碑陰

宋本倉作蒼  
後同

漢平輿令薛君碑

漢泰山都尉孔宙碑

漢孔宙碑陰

漢西嶽華山廟碑

漢老子銘

漢荊州刺史度尙碑

漢孔子廟置卒史碑

右漢孔子廟置卒史碑其前有司徒吳雄司空趙戒奏章歐陽文忠公具載於集古錄其後又有魯相奏記司徒司空府文字尤為完好云永興元年六月甲辰朔十

八日辛酉魯相平行長史事下守長擅叩頭死罪敢言

宋本重叩頭二字

宋本皇作惶不重  
出死罪二字

之司徒司空府壬寅詔書爲孔子廟置百石卒史一人  
掌主禮器選年四十以上經通一藝雜試能奉宏先聖  
之禮爲宗所歸者平叩頭死罪死罪謹按文書守文學  
掾魯孔龢師孔憲戶曹史孔覽等雜試龢脩春秋嚴氏  
經通高第事親至孝能奉先聖之禮爲宗所歸除龢補  
名狀如牒平惶恐叩頭死罪死罪上司空府其詞彬彬  
可喜故備錄之且以見漢時郡國奏記公府其體如此  
也按華陽國志後漢書注皆云趙戒字志伯而此碑乃  
作意伯疑其避桓帝諱故改焉

漢東海相桓君海廟碑

右漢東海相桓君海廟碑云惟永壽元年春正月有漢

東海相桓君又云熹平元年夏四月東海相山陽滿君  
其餘文字完者尙多大畧記脩飾祠宇事而其銘詩有  
云浩浩倉海百川之宗知其爲海廟碑也桓君與滿君  
皆不具其名莫知其爲何人碑在今海州

漢孔君碣

右漢孔君碣在孔子墓林中其額題孔君之墓文已殘  
闕其前云元年乙未而元年上闕二字按東漢自建武  
以後惟桓帝永壽元年歲次乙未其他有三乙未皆非  
元年然則此碣所闕二字當爲永壽也

漢韓明府孔子廟碑

右漢韓明府孔子廟碑其略云君造立禮器樂之音符

祖桓宋本作祖桓  
壹作壹

鐘磬瑟鼓雷洗觴觚爵鹿相桓籩杞禁壹案壹當作壹仲句切謝本  
訛喜別本改脩飾宅廟更造二輿所謂鹿者禮圖不載  
莫知爲何器又據字書杞木皮可爲索壹陳樂也亦非  
器名皆不可曉故并著其語以俟知者余後見汝陽陳氏所藏古彝爲  
伏鹿之形近歲青州獲一器亦全爲鹿形疑所謂鹿者  
因其形而名之耳案錢氏穀鈔本記其上云射禮有鹿  
中高一尺五寸爲鹿形背設圓筒以納算籌射畢以釋  
之器也又有之如屏風所以爲獲者御矢恐即杞也其  
有木旁正猶祖  
豆之爲祖桓也

漢吉成侯州輔碑

右漢吉成侯州輔碑名字已殘闕其題額云漢故中常  
侍長樂太僕吉成侯州君之銘輔名姓見范曄後漢書  
宦者傳以定策立桓帝與曹騰等七人同時封爲亭侯

宋本作額題

宋本多葉字

宋本無華縣二字

今此碑載當時詔書有云其封輔爲吉成侯以此知其  
名輔而酈道元注水經云華縣滢水南有漢中常侍長  
樂太僕吉成侯州苞冢冢前有碑其詞云六帝四后是  
諮是諏今驗其銘文實有此語獨以輔爲苞蓋水經之  
誤當取漢史及此碑爲正

漢州輔碑陰

右漢州輔碑陰京兆尹延篤叔堅而下題名者凡四十  
餘人自東漢以後一時名卿賢大夫死而立碑則門生  
故吏往往寓名其陰蓋欲附託以傳不朽爾今輔一宦  
者而碑陰列名者數十人雖當代顯人如延叔堅亦預  
焉有以見權勢之盛如此雖然區區挂名於此者亦可

宋本雖作而

詳釋之(如)越夜而証

耻也夫

漢州輔墓石獸膊字

右漢州輔墓石獸膊字。鄜道元注水經云：州君墓有兩石獸，已淪沒。人有掘出一獸，猶不全，破甚高壯，頭去地丈許，製作甚工。右膊上刻作辟邪字。余初得州君墓碑，又覽水經所載，意此字猶存。會故人董之明守官汝潁，間因託訪求之。逾年，特以見寄。其一辟邪，道元所見也。其一乃天祿字，差大，皆完好，可喜。之明又云天祿近歲為邨民所毀，辟邪雖存，然字畫已殘闕難辨。此蓋十年前邑人所藏，今不可復得矣。

漢郎中鄭君碑

宋本製作制右作左

宋本特作持

宋本第二天字

訛作夫

宋本義意二字  
互易

右漢郎中鄭君碑。賈誼過秦論云：九國之師，遁巡而不敢進。顏師古曰：遁音千旬反，流俗書本巡字誤作逃。讀者因之而為遁逃之意。潘岳西征賦云：遁逃以奔竄，斯亦誤矣。今此碑有云：推賢達善，逡遁退讓。詳其文義，亦是逡巡之意。案謝本義意二字互易然二字決非一音。蓋古人用字與後世頗異，又多假借。故時有難曉處，不知顏氏何所據，遂音遁為逡乎。

漢丹楊太守郭文碑

右漢丹楊太守郭文碑。云：君諱文字，巨公有周之裔也。又云：治律小杜幼仕州郡，舉孝廉，除郎中，謁者，遷敬陵園令，廷尉左平，治書侍御史，獄刑無頗，憲臺如砥。以父

疑讀三云今石已換  
葛氏猶及兄其全若云

宋本楊作陽

宋本作呆及下字  
世宗憲皇帝廟諱  
宋本亦缺末一  
筆下同

憂去官還拜郎中侍御史遭母憂服除復拜郎中治書  
侍御史遷冀州刺史徵拜尙書是時淮夷蠢迪案前漢書楊雄傳云蠢迪檢押蠢迪猶言蠢動也盧疑迪作運非是帝疇官綏策書褒厲俾守丹  
楊爲政四年以公事去官年過耳順廢疾瘖頽延熹元  
年十月戊戌卒其十二月丙申葬微言絕矣諸子曷仰  
三載禮闕乃羣相與刻石勒銘最後云昔君卽世雖立  
碑頌裁足載字加有瑕下闕君之弟故太尉薨歸葬舊  
陵於是從子故五原太守鴻議郎某案此某字錢鈔及作果隸釋作呆及  
嗣孫某名殘闕懷祖之德乃更刻石不改舊文蓋用昭明  
祖勳焉郭氏爲陽翟著姓自躬以來世以通法律顯名  
此碑所謂太尉公者禧也

宋本作  
其殘

宋本碑下有者字

漢議郎元賓碑

右漢議郎元賓碑在今亳州姓名已殘闕所可見者云  
字元賓魯相之孫又云舉孝廉除倉龍司馬衛尉察尤  
異遷吳令視事二稔民用甯康州辟從事公車徵拜議  
郎年四十八延熹二年二月卒使者臨弔賻贈特加其  
餘文字完好者尙多惜其名氏皆亾也

漢孫叔敖碑陰

右漢孫叔敖碑陰云延熹二年案金石文字記云三年與目錄正同此二年誤  
也中夏之節政在封表期思長光視事一紀訪問國中  
耆年素聞孫君楚時良輔又云博采遺苗曾元孫子考  
龜吉辰五月癸卯宜以存廢可立碑祀招請諸孫都會

宋本勃作勃

國右郭西道北處所顯好興上宰祭倡優鼓舞又云相君有三嗣長子即封食邑固始少子在江陵中子居三下一字又云相君卒後十有餘世有勃海太守其後歷磨滅敘子孫名字甚詳而文字斷續不可次第按期思長光碑陰不載姓氏叔敖碑雖有之然已殘闕矣案碑云先段君立石銘碑期思縣宰段光又為刻石則姓氏尚可考漢時令長有在官一紀不遷者乃知前世官吏重於移易如此不惟吏民免送迎之擾而士人亦皆安於其職無僥倖苟進之心與後世異矣

漢封邱令王元賞碑

右漢封邱令王君碑其姓名已殘闕所可見者字元賞

而已云察舉孝廉郎謁者考工苑陵葉封邱令而銘文亦有撫臨三國之語歐陽公集古錄云為苑陵丞者蓋誤以葉字為丞爾案隸續云歐趙皆以為王元賞予所得者卻是元賓字畫分明非是測度其名仿佛是紹

漢王元賞碑陰

右漢王元賞碑陰載門生姓名有云右奔喪右斬杖三年予嘗謂聖人之制禮為可繼也無過與不及之弊務合於中庸而已禮曰事師無犯無隱服勤至死心喪三年孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服彼寡人為王君乃斬衰之服於禮無乃過乎



漢冀州刺史王純碑

右漢冀州刺史王純碑延熹四年立桑欽水經云濟水北逕須句城西酈道元注濟水西有安民山山西有漢冀州刺史王紛碑漢中平四年立按地里書須胸即今中都縣此碑在中都又其官與姓氏皆合疑其是也然以純為紛以延熹為中平則疑水經之誤案顧氏藹吉君以延熹四年卒五年始葬立碑此以為四年立亦非也

漢王純碑陰

右漢王純碑陰其前題門生人名自東平馮定伯而下文字完好可識者百九十餘人摩滅不可識者又九十餘人字畫滄勁可喜其後題義士名云各發聖心共出

集古作碑陰  
此名

宋本侯作候  
字上有隸字  
無畫字

漢倉頡廟人名

義錢埤碑石直刊紀姓名埤當讀為裨助之神漢時墓碑多其門生故吏所立往往各紀姓名於碑陰或載所出錢數其非門生故吏而出錢者謂之義士今漢人為王君出錢造碑而云各發聖心可謂陋矣

右漢倉頡廟人名歐陽公集古錄云此碑有蓮勺左鄉有秩池陽左鄉有秩池陽集水有秩皆不知是何名號又有夏陽候長殺禰候長則是縣吏之名其字畫不甚精又無事實可考姑疑其名號以俟知者爾按前漢書張敞以鄉有秩補太守卒史後漢書百官志鄉置有秩三老游徼本注曰有秩郡所署秩百石掌一鄉人注引

漢官曰鄉戶五千則置有秩風俗通曰秩則田閒大夫言其官裁有秩爾然則有秩蓋亦鄉吏名也

漢成臯令任伯嗣碑

右漢成臯令任伯嗣碑其首已殘闕其可見者云字伯嗣南郡編人也其先蓋任座之苗胄又云舉孝廉除郎中蜀郡府丞江州令以服去官為筑陽侯相延熹五年遷來臨縣其後歷敘政績又云遷居桂陽最後云都邑謠詠甄勒勳績永昭於後碑在今汜水縣汜水在漢為成臯此碑蓋成臯令德政頌爾後漢書桓帝紀延熹八年有桂陽太守任允以此碑校之歲月相符又名與字協知其名允也

任字名字下一字俱世宗憲皇帝廟諱上一字

漢任伯嗣碑陰

右漢任伯嗣碑陰大觀初獲此碑寘於汜水輦運司廨舍壁間余聞其陰有字因託人調邑官破壁出之遂得此本蓋漢碑有陰者十七八世多棄而不錄爾

漢平輿令薛君碑

右漢平輿令薛君碑文字完好云惟延熹六年春二月平輿令薛君卒烏虜哀哉吏民其咨咨君之德乃建碑石於墓之側其後有銘三百餘言敘述甚詳惟不載其名字世系故莫得而考焉

漢泰山都尉孔宙碑

右漢泰山都尉孔宙碑孔宙北海父也見後漢書融列

下孔宙宋本作宙孔

傳又據桓帝紀泰山都尉元壽元年置延熹八年罷宙  
以延熹四年卒蓋卒後四年官遂廢矣案隸釋云宙以  
卒碑以次  
年七月立

### 漢孔宙碑陰

右漢孔宙碑陰門生有鉅鹿廣宗捕巡字升臺按氏族  
書如姓苑姓纂皆無捕姓獨見於此碑爾

### 漢西嶽華山廟碑

右漢西嶽華山廟碑其略云孝武皇帝脩封禪之禮巡  
省五嶽立宮其下宮曰集靈宮殿曰存仙殿門曰望仙  
門歐陽公集古錄云所謂集靈宮者他書不見唯見於  
此碑爾余按班固漢書地理志華陰有集靈宮武帝起

集靈宮者宋本  
奪諸字

而酈道元注水經亦云敷水北逕集靈宮引地理志所  
載其語皆同然則不獨見於此碑矣而所謂存仙殿望  
仙門者諸書不載

### 漢老子銘

右漢老子銘舊傳蔡邕文并書蓋杜甫李潮小篆八分  
歌有曰苦縣光和尚骨立書貴瘦硬方通神世云此碑  
是也今驗其詞乃邊韶延熹八年作非光和中所立未  
知甫所見是此碑否而本朝周越書苑遂以爲韶撰文  
而邕書初無所據碑言孔子學禮時計其年紀聃已二  
百餘歲聃然老旄之貌也而史記言謚曰聃按古謚法  
無聃字又碑云孔子以周靈王二十年生今以年表及

世家考之孔子以魯襄公二十二年生實靈王二十一年未知孰是史書周太史儋事云孔子死後百二十九年徐廣注曰實一十九年今此碑所書正與史合不知徐廣何所據也

漢荊州刺史度尙碑

右漢度尙碑其首題曰漢故荊州刺史度侯之碑碑云其先出自顓頊與楚同姓熊下闕之後又曰統國法度其下殘闕不可辨按元和姓纂度姓但云古掌度之官因以命氏不言其與楚同姓也又范曄後漢書列傳度尙自右校令擢爲荊州刺史破長沙零陵賊以功封右鄉侯遷桂陽太守徵還京師以中郎將破賊胡蘭等復

宋本無尙字

爲荊州刺史後爲遼東太守卒於官今以碑考之云封右鄉侯遷遼東太守拜中郎將復拜荊州刺史以故秩終蓋未嘗爲桂陽太守而曰卒於遼東者皆史之誤余每得前代名臣碑板以校史傳其官闕歲月少有同者以此知石刻爲可寶也

金石錄卷第十五

金石錄卷十五終

金石錄卷十六

跋尾六

槐廬叢書

宋東武趙明誠德父編著

吳縣朱記榮校刊

跋尾六

漢

漢車騎將軍馮緄碑

漢魯相晨謁孔子冢文

漢廣漢縣令王君神道

漢金鄉守長侯君碑

漢柳孝廉碑

漢衛尉卿衡方碑

漢沛相楊君碑

漢淳于長夏承碑

漢郎中馬君碑

漢武都太守李翕碑

漢博陵太守孔彪碑

漢成陽靈臺碑

漢廷尉仲定碑

漢故民吳公碑

漢司隸校尉魯峻碑

漢桂陽太守周府君碑

漢周府君碑陰

漢石經遺字

漢堂谿典嵩高山石闕銘

漢帝堯碑

漢倉頡廟碑

漢斥彭長斷碑

漢車騎將軍馮緄碑

右漢車騎將軍馮緄碑以范氏後漢書考之史云字鴻

卿而碑云皇卿史云初舉孝廉七遷至廣漢屬國都尉

拜御史中丞順帝末持節揚州諸軍事與中郎將滕撫

擊破羣賊今據碑自舉孝廉至為廣漢屬國都尉凡十

一遷而為中丞與督使徐揚二州討賊皆在為都尉前

碑云討賊時坐迫州縣正法而史不載又云為隴西太

宋本徵字缺末筆

宋本謠作誣無云  
字

宋本增作經

守坐問吏辜旬不分去官以羌駭動為四府所表復家  
拜隴西太守而史但言遷隴西太守爾史云為遼東太  
守徵拜京兆尹轉司隸校尉遷廷尉太常拜車騎將軍  
以碑考之緄為遼東太守以前嘗復為治書侍御史遷  
尚書遂為廷尉未嘗拜京兆尹及司隸也史云振旅還  
京師監軍使者張敞承宦者旨奏緄會長沙賊復起攻  
桂陽武陵緄以軍還盜賊復發策免而碑云臨當受封  
以謠言奏河內太守中常侍左悺弟坐遜位史云復拜  
廷尉時山陽太守單遷以罪繫獄緄考致其死遷故車  
騎將軍超之弟中官相黨遂共誹章誣緄坐輸左校而  
碑云表荊州刺史李隗南陽太守成晉晉漢史作經太原太

宋本作將軍

守劉瑱不宜以重論坐正法作左校亦皆不合史又云  
為河南尹時上言舊典中官子弟不得為牧人職帝不  
納拜屯騎校尉別本作屯騎將軍何氏焯從隸釋定  
作校尉云漢志將軍但有驃騎次車騎  
無屯騎也驃騎車騎位次公下亦不復為廷尉卒於官  
而碑云復廷尉奏中官子弟不宜典牧州郡獲過左右  
遜位永康元年薨亦當以碑為正碑又云緄諡曰桓而  
史亦不載予嘗謂石刻當時所書其名字官爵不應差  
誤可信無疑至於善惡大節則當以史氏為據今此傳  
首尾顛倒錯繆如此然則史之所載是非褒貶失其實  
者多矣果可盡信邪

漢魯相晨謁孔子冢文

金石錄卷十六

跋尾六

三

朱氏槐廬校刊

抄釋七有善相福孔  
右漢碑云趙氏善相  
有善相福孔子碑名  
其以林而六有能即此  
也

右漢魯相晨謁孔子冢文已斷裂闕其上一段其略可  
見者云建甯元年三月十八日丙申晨又云其四月十  
一日戊子到官謁孔子冢其他文字雖完皆不可次第  
魯相晨有兩碑皆在孔子廟中其一碑云臣蒙恩受任  
符守得在奎婁周孔舊寓又云臣以建甯元年到官其  
一碑云魯相河南史君諱晨字伯時從越騎校尉拜以  
建甯元年四月十一日戊子到官然則斯碑所載名晨  
者蓋魯相史晨也

漢廣漢縣令王君神道

右漢廣漢縣令王君神道建甯元年十月造縣令字作  
荅漢人滄質文字相近者多假借用之如縣令字人所

釋釋十三題作縣竹令  
王君神道云縣字作字不  
與與縣字相近故趙氏誤  
亦廣漢縣令而謂其借荅  
為令也姓文事者令不別  
辨和亦其精確此碑亦可笑也

常用而尙假借何耶

案此縣竹令也隸釋云微雜篆體  
縣字作曰下木畧與縣字相混故  
趙氏誤作廣漢縣令而謂其借荅為令也又此本無年  
月趙氏誤合劉讓閣道題字為一碑故以為建甯元年  
造

漢金鄉守長侯君碑

右漢金鄉守長侯君碑載其上世云漢與侯公納策濟  
太上皇於鴻溝之阨謚曰安國君曾孫酺封明統侯光  
武中興元孫霸為臨淮太守擁兵從光武平定天下轉  
拜執法刺姦五威司命大司徒公封於陵侯歐陽公集  
古錄云執法左右刺姦五威司命皆王莽時官侯霸列  
傳云霸莽時為隨宰遷執法刺姦而未嘗為五威司命  
後代伏湛為大司徒封關內侯既薨光武下詔追封則

宋本宰作令



鄉侯而此碑言封於陵侯未知孰是據碑言刺姦司命  
爲光武時官蓋碑之謬余按霸列傳霸薨追封則鄉侯  
至子昱改封於陵而遂以霸爲於陵侯疑亦碑之誤又  
按高祖紀侯公說項羽歸太公呂后乃封侯公爲平國  
君今此碑言安國既不同而平國君乃生時稱號如婁  
敬爲奉春君之類碑以爲謚恐亦非是又酺封明統侯  
漢書功臣表亦不載不知碑何所據也

漢柳孝廉碑

右漢柳孝廉碑云君諱敏其先蓋五行星下闕二十八  
舍柳宿之精也其說亦可謂怪矣自戰國以來聖人不  
作諸子百家異端怪說紛然而起其弊至東漢而極焉

自非豪傑之士卓然不爲流俗所移未有不從而惑者  
也若此碑直以柳君得姓出於柳宿果何所據哉

漢衛尉卿衡方碑

右漢衛尉卿衡方碑有云感昔人之凱風悼蓼儀之劬  
勞以蓼莪爲蓼儀他漢碑多如此蓋漢人各以其學名  
家故所傳時有異同也

漢沛相楊君碑

右漢沛相楊君碑歐陽公集古錄云碑首尾不完失其  
名字余按楊震碑沛相名統震長子富波侯相牧子也

漢涪于長夏承碑

右漢涪于長夏承碑云君諱承字仲充東萊府君之孫

宋本綴作紱

今此碑或以惟本天

太尉掾之中子中郎將弟也案中郎將上累葉牧守印  
綬典據十有餘人皆德任其位名豐其爵是故寵祿傳  
於歷世策勳著於王室君鍾其美受性淵懿舍和履仁  
治詩尚書兼覽羣藝靡不尋暢州郡更請屈己匡君為  
主簿督郵五官掾功曹上計掾守令冀州從事又云察  
孝不行太傅胡公歆其德美旌招俯就羔羊在公四府  
歸高除溲于長又云年五十有六建甯三年六月癸巳  
淹疾卒官碑在今潞州元祐間因治河隄得於土壤中  
建甯靈帝時年號也距今千歲矣而刻畫完好如新余  
家所藏漢碑二百餘卷獨此碑最完

漢郎中馬君碑

右漢郎中馬君碑文字殘缺所可見者字元海而已案  
釋云又云其先賜號馬服因遂氏焉又云以和平元年  
舉孝廉除郎中謙虛接下冠名三署案舊作三省葉又  
云年四十元嘉三年正月卒又云夫人年五十五建甯  
三年十二月卒其他不可考究矣

漢武都太守李翕碑

漢時文字多與今隸書不合皆依石本錄之

右漢武都太守李翕碑文字首尾完好云漢故武都太  
守漢陽阿陽李君諱翕字伯都其後歷敘在郡治蹟云  
郡西狹中道危難阻峻緣崖俾閣兩山壁立隆崇造雲  
下有不測之谿阨窄促迫財容車騎進不能濟息不得  
駐數有顛覆隕隧之害君勅衡官有秩李瑾掾仇審因

宋本屋作崖  
壁作壁  
宋本測作惻  
筆作筆

宋本春作清

常繇道徒鑿燒破析刻召崔嵬滅高就埤柙致土石堅固廣大可以夜涉四方無雍行人權恟民歌德惠穆如春風乃刊斯石其後有頌詩最後題建甯四年六月十三日壬寅造云

漢博陵太守孔彪碑

右漢博陵太守孔彪碑歐陽公集古錄云孔君碑者其名字摩滅不可見而世次官闕粗可考云孔子十九代孫潁川君之元子也舉孝廉除郎中博昌長拜尚書侍郎治書侍御史博陵太守遷下邳相河東太守建甯四年十月卒其終始略可見惟其名字皆亾為可惜也今此碑雖殘闕而名字尚完可識云君諱彪字元上又韓

府君孔子廟碑陰載當時出錢人名亦有尚書侍郎孔彪元上與此書正同惟孔君自博陵再遷為河東太守而碑額題故博陵太守孔府君碑漢人多如此然莫曉其何謂也案隸釋云蓋博陵之人相與立碑耳

漢成陽靈臺碑

右漢成陽靈臺碑成陽屬今雷澤碑略云堯母慶都傅

歿蓋葬於茲欲人不知名曰靈臺歐陽公集古錄以謂

自史記地志及水經諸書皆無堯母葬處余按班固西

漢劉昭東漢地理志皆云成陽有堯冢靈臺而東漢志

章帝元和二年東巡狩將至泰山道使使者奉一太牢

祠帝堯於濟陰成陽靈臺與章帝紀所載正同帝紀章

宋本重慶都二字

宋本多書字

云作曰

宋本守作狩

宋本無記字

懷太子注引郭緣生述征記云成陽縣東南有堯母慶都墓上有祠廟堯母陵俗亦名靈臺文母水經注今成陽城西二里有堯陵陵南一里有堯母慶都陵於城為西南稱曰靈臺蓋兩漢史所載似以靈臺為堯冢惟此碑與述征記水經乃直指為堯母冢爾然水經云在成陽西南而述征記云在東南未知孰是又集古錄云諸書俗本多作城陽獨此碑為成陽當以碑為正余嘗考之成陽縣名屬濟陰郡城陽乃王國名漢文帝二年以封齊悼惠王子章者漢志所載各異未嘗差誤也碑有廷尉某歐陽公以為姓名摩滅不可讀今驗其缺處姓下隱隱有定字知其名定而其後云濟陰太守審晃成

陽令管遵各遣大掾輔助仲君知其姓仲仲氏世為成陽人定有墓在雷澤碑尚存其額題漢故廷尉仲君碑有云表祠唐堯為漢祈福又云為廷尉卿託病乞歸脩堯靈臺黃屋三十餘上聽拜太中大夫云余為淄州同官李蕘雷澤人云冢正在城西南蓋述征記誤也宋本無也字

漢廷尉仲定碑

右漢廷尉仲定碑在今濮州雷澤其額題漢故廷尉仲君之碑碑載官闕甚詳雖殘闕然尚可次第其略云君諱定聖漢龍興家於成陽父張掖廣漢太守以父勲拜琅邪太守南陽陰府君察孝不行南郡胡公除濟陰復舉孝廉拜尚書左丞除郎中遷彭城呂長微試博士太

宋本無遷字

傅下邳趙公舉君高行遷豫州刺史將軍從事遷符節  
令豫章太守徵議郎拜大尚書遜位復徵拜將軍長史  
遷城門校尉執金吾拜太中大夫遷廷尉卿託病乞歸  
脩堯靈臺黃屋三十餘上聽拜太中大夫臺成事訖上  
以君先帝舊臣策令州郡以禮特遣熹平元年孟秋上  
旬君遘疾不瘳於是門生養徒故吏鄉黨刊石勒銘樹  
碑表道焉兩漢遷拜次第史既不能詳載而石刻類皆  
摩滅難考今此碑所載詳悉故盡著之所謂南郡胡公  
者廣也太傅下邳趙公者峻也按定漢史無傳惟風俗  
通元和姓纂具載姓名官爵云

漢故民吳公碑

右漢吳公碑其額題漢故民吳公之碑碑云熹平元年  
十二月上旬吳公仲山其他刻畫完好如新文辭頗拙  
陋書亦怪而不工然漢時石刻存者漸少而此碑特完  
故錄之以資博覽

漢司隸校尉魯峻碑

右漢司隸校尉魯峻碑云君諱峻字仲嚴酈道元注水  
經引戴延之西征記曰焦氏山北金鄉山有漢司隸校  
尉魯恭冢冢前有石祠四壁皆青石隱起自書契以來  
忠臣孝子貞婦孔子及七十二弟子形像像邊皆刻石  
記之今墓與石室尚存惟此碑為人輦置任城縣學矣  
余嘗得石室所刻畫像與延之所記合又其他地里書

宋本頁字缺末筆

金石錄卷一六  
如方輿志寰宇記之類皆作峻惟水經誤轉寫為恭爾  
案顧氏藹吉云水經注所載乃石壁書像非此碑也

漢桂陽太守周府君頌

右漢桂陽太守周府君頌歐陽公集古錄云府君字君光而名已譌闕不可辨圖經但云周府君而不著其名後漢書又無傳遂不知爲何人而曾子固言嘗得此碑於知韶州王公之才以書來言曲江縣圖經周府君名昕字君光則永叔云圖經不載其名者蓋考之未詳也今此本雖譌闕然究其點畫殊不類昕字二公所說既不同而韶州圖經余家偶無有皆未可知也當考之  
孫後見市中印本歐陽公廬陵集別有一跋尾云周君名憬憬字頗近之

漢周府君碑陰

右漢周府君碑陰題名凡三十一人姓氏具存按酈道元注水經瀧水南逕曲江縣東縣昔號曲紅曲紅山名也而東西兩漢史皆作曲江今據此碑自縣長區祉而下凡十七人皆書爲曲紅則是當時縣名曲紅無可疑者不知兩漢史皆作曲江何也

漢石經遺字

右漢石經遺字者藏洛陽及長安人家蓋靈帝熹平四年所立其字則蔡邕小字八分書也其後屢經遷徙故散落不存今所有者才數千字皆土壤埋沒之餘摩滅而僅存者爾按後漢書儒林傳敘云爲古文篆隸三體

宋本屢作婁

此係四部三行不似傳云  
坊氏錄以一字爲中即所  
書石本屢見三行在致書  
此以三行爲傳碑石本屢見  
一此本在石本下事似未見其書

宋本多稱字

者非也。蓋邕所書乃八分，而三體石經乃魏時所建也。又按靈帝紀言詔諸儒正五經文字，刻石立於太學門外。蔡邕傳乃云奏求正定六經文字，既已不同，而章懷太子注引洛陽記所載有尙書周易公羊傳論語禮記。今余所藏遺字有尙書公羊傳論語，又有詩儀禮。然則當時所立，又不止六經矣。洛陽記又云禮記碑上有諫議大夫馬日磾議郎蔡邕等名。今論語公羊後亦有堂谿典馬日磾等姓名，尙在。據邕傳，邕以經籍去聖久遠，文字多繆，俗儒穿鑿，疑誤後學，乃奏求正定，自書於碑。於是後儒晚學咸取正焉。今石本既已摩滅，而歲久轉寫，日就譌舛，以世所傳經書本校此遺字，其不同者已

數百言。又篇第亦時有小異。使完本具存，則其異同可勝數耶。然則豈不可惜也哉。而後世學者於去古數千百歲之後，盡緝前代諸儒之論，欲以己之私意悉通其說，難矣。余既錄爲三卷，又取其文字不同者具列於卷末云。

漢堂谿典嵩高山石闕銘

右漢堂谿典嵩高山石闕銘。云中郎將堂谿典伯并熹平四年來請雨嵩高廟。按後漢書靈帝紀熹平五年復崇高山名爲嵩高山。章懷太子注引前漢書武帝祀中嶽改嵩高爲崇高。東觀記曰使中郎將堂谿典請雨。因上言改崇高復爲嵩高。今此銘乃熹平四年，可以正漢

安自此本爲至  
人間石牒  
古字通集

史之誤又蔡邕傳注引先賢行狀云典字子度而延篤傳注又作季度今此碑乃云字伯并亦當以碑爲正

### 漢帝堯碑

右漢帝堯碑云帝堯者昔世之聖王也其先出自塊隗翼火之精有神龍首出於常羊又云名紀見乎河雒爰嗣八九慶都與赤龍交而生伊堯又云侯伯遊於元河之上龍龜負銜投鈴受與然後堯乃受命其說出於讖緯可謂怪妄不經矣堯之所以爲聖者豈假此而已哉

### 漢倉頡廟碑

右漢倉頡廟碑文字殘闕其畧可辨者有云倉頡天生德於大聖四目靈光爲百王作憲而其銘曰穆穆聖倉

宋本無其字

知其爲倉頡碑也考其歲月蓋熹平六年立

### 漢斥彰長斷碑

右漢斥彰長斷碑在華陰已斷裂惟存下一段故其姓名皆亾矣所可見者有云先高祖時以吏二千石自齊臨淄徙充關中祖字興先爲執金吾第颺漁陽太守又云元初元年遭家不造三歲喪父事母有柴穎之行初仕爲縣主簿功曹郡諸曹史帳下司馬劉君招命署議曹掾假除百石遷補任尉假印綬守廣平下曲陽令斥彰長熹平二年秋七月寢疾不豫最後題熹平六年十月九日辛酉造按史記及漢書本紀高祖九年徙齊楚大族昭屈景懷田五姓關中而其四姓皆楚人自齊徙



者惟田氏爾然則此碑所謂高祖時自齊臨淄徙者其人必姓田氏也按第五氏亦云自齊徙關中然本亦出於田氏也斥彰東西漢史皆作斥章

金石錄卷第十六

金石錄卷十六終

金石錄卷十七

跋尾七

槐廬叢書

宋東武趙明誠德父編著

吳縣朱記榮校刊

跋尾七

漢

漢梁相費汎碑

漢堂邑令費君碑

漢費君碑陰

漢太尉陳球碑

漢華嶽碑

漢太尉郭禧碑

漢郭禧碑陰

漢郭禧後碑

漢樊毅西嶽碑

漢禹廟碑

漢冀州從事郭君碑

漢逢童子碑

漢逢童子碑陰

漢三公碑

漢殺阬君神祠碑

漢殺阬君神祠碑陰

漢無極山碑

漢揚州刺史敬使君碑

漢橐長蔡湛頌

漢蔡湛碑陰附

漢安平相孫根碑

漢涼州刺史魏君碑

漢碭孔君神祠碑

漢梁相費汎碑

右漢梁相諱汎碑在湖州其額題漢故梁相費君之碑

碑云梁相諱汎字仲慮此邦之人也其先季文為魯大

夫有功封費因姬為姓案姓別秦項兵起避地於此遂

留家焉余家所收姓氏文字麤備以諸書參考頗多抵

牾不合姓苑云費氏禹後漢有長房蜀志有承相禕又

宋本桓字缺末一筆

云今琅邪亦有此姓音父位反李利涉編古命氏云費氏出自魯桓公少子季友有勳於社稷賜汶陽之田封邑於費子孫氏焉漢有費將軍其後有費忠費柔柔適蜀為甯蜀人忠之孫徙於荊州後遷江夏忠十代孫奕奕孫禕又家於蜀晉平蜀禕之子承復歸江夏林寶元和姓纂云費氏亦音祕史記紂幸臣費中夏禹之後楚有無極漢有直蜀有禕晉有詩又云琅邪費氏直之後也陳湘姓林云費氏音蜚夏禹之後余嘗考之此字有兩姓音讀不同源流亦異其一音蜚贏姓出於伯翳史記所載費昌費中楚費無極漢費將軍費直費長房蜀費禕之徒是其後也其一音祕姬姓出於魯季友姓苑

文友字取相近或以改誤

所載琅邪費氏而此碑所謂梁相費君是其後也然則姓苑姓纂姓林皆云夏禹之後姓纂又云亦音祕及謂琅邪費氏為直之後皆其差誤而編古命氏以費將軍費禕之徒出於魯季友亦非也余又按春秋僖公賜季友汶陽之田及費而左傳亦以謂季友有功於魯受費以為上卿今以為季文有功封費者蓋碑之誤

漢堂邑令費君碑

右漢堂邑令費君碑云惟熹平六年無射之月堂邑令費君寢疾卒嗚呼哀哉於是夫人元弟卜肩追而誄之其後有銘詩碑所述費君事不甚詳悉而其名字世次官秩具載於碑陰今附於後

下下一字世宗憲皇帝廟諱上字

漢費君碑陰

右漢費君碑陰云君諱鳳字伯蕭梁相之元子九江太守之長兄也世德襲爵銀艾相亞又云君踐郡右職三貢獻計漢安二年吳郡太守東海郭君以君有委蛇之節自公之操年三十一舉孝廉拜郎中除陳國新平長遂宰堂邑其後為五字韻語詞頗古雅而時時殘闕不可次序其前題君舊家中孫甘陵石勛字之才所述云

案何氏焯云勛葉本作勛蓋勛字爾隸釋作勛亦誤顧氏藹吉云疑是勛字之誤

漢太尉陳球碑

右漢太尉陳球碑球有兩碑皆在下邳其一已殘闕此碑差完可考前代碑碣與史傳多抵牾而球碑所載官

宋本易作勛  
勛作勛

闕事跡與傳合東漢之末政在閭寺威福下移其勢益可畏也而一時眾君子猶奮不顧身力排其姦雖遭屠戮而不悔志雖不就然亦可謂壯哉如球是已使當時士大夫能屈己以事之則富貴可長保矣然君子固未肯以彼而易此也

漢華嶽碑

右漢華嶽碑集古錄云碑以周禮職方氏為識方氏者疑當時周禮之學自如此蓋職誌其義通也余按袁逢華嶽碑亦引職方氏乃用識字蓋漢人簡質字相近者輒假借用之初無意義爾

漢太尉郭禧碑

右漢太尉郭禧碑文字殘闕所存才百許字其可見者公諱禧字君房而已禧郭躬從孫也其事跡附見躬列傳云少明習家業兼好儒學有名譽延熹中爲廷尉建甯二年代劉寵爲太尉而靈帝紀亦云是年十一月禧爲太尉章懷太子注云字公房扶溝人也郭氏世爲陽翟人自躬以下皆葬陽翟其墓尙在今此碑闕處猶有陳留扶溝字疑禧嘗寓居是邑其卒也返葬故鄉而漢書注遂以爲扶溝人恐誤

漢郭禧碑陰

右漢郭禧碑陰其首有四大字云故吏人名其下列故吏密張立度成良師張協子道通雒陽李蒼子考故民河

宋本農字上一字口

南陰德紀信以下凡百餘人又有右河南右河內郡右宏農郡右扶風郡字畫完好者甚多筆法淳古可愛

漢郭禧後碑

右漢郭禧後碑殘闕尤甚其略可辨者云惟光和二年夏五月甲寅太中大夫故太尉郭公薨又云公之肩子故五原太守餘不復成文而其額題漢故太尉郭公神道字畫尙完云後漢書列傳既不載禧所終而靈帝紀但云建甯三年夏四月太尉郭禧罷亦不言其爲何官今以碑考之乃知其罷爲太中大夫而卒於光和二年也五原太守名鴻後爲司隸校尉封成安鄉侯

漢樊毅西嶽碑

子上一字  
世宗憲皇帝廟諱

宋本農字上一字皆

年古跋廣乃光  
和元年石刻  
有以據此碑之  
石刻有光和三  
石刻跋後一則此  
係日係乃无和  
二年一本石刻  
無元年石刻未  
知其害

右漢樊毅西嶽廟碑云宏農太守河南樊君諱毅歐陽  
文忠公集古錄云據此碑乃卽時所立而太守生稱諱  
者何哉按春秋左氏傳周人以諱事神名終將諱之而  
禮卒哭乃諱鄭氏以謂敬鬼神之名也諱避也生者不  
相避名衛侯名惡大夫有石惡君臣同名春秋不非又  
漢宣帝元康二年詔曰聞古天子之名難知而易諱也  
今上書觸諱以犯罪者朕甚憐之其更諱詢諸觸諱在  
令前者赦之蓋卒哭而諱其名實始於周而生死皆稱  
諱西漢已如此矣然則生曰名死曰諱又出於近世也  
有以見後世忌諱愈密如此然生而稱諱見於石刻者  
甚眾不獨此碑也

漢禹廟碑

右漢禹廟碑云光和二二年十二月丙子朔十九日甲午  
皮氏長南陽章陵劉尋孝嗣永安定烏氏樊璋元孫其  
後敘禹平水土之功而最後有銘文多殘闕不能盡識  
碑在龍門禹廟

漢冀州從事郭君碑

右漢郭君碑名字已殘闕其額題曰冀州從事郭君之  
碑碑云其先出高辛興自於周闕一字蕃虞郭在河魏之  
間遭晉荒疆乃喪厥土奕世孳孳職思其勳子孫纓布  
家於樂土因國爲氏又云歷郡諸曹掾史主簿督郵五  
官掾功曹又云光和二二年終三年十月葬又云哀哀考

通志不度

妣追惟實靈卜商號咷喪子失明據此乃父母生而稱考妣也爾雅云父為考母為妣郭璞注引禮記生曰父母妻死曰考妣嬪今世學者從之而璞援據諸書以為非生死之異稱猶今謂兄為舅妹為媢爾今此碑漢人所為已不用戴氏之說以此知璞為有據然禮經行於世久既有此論事親者所當避也

漢逢童子碑

右漢逢童子碑刻畫完好云童子諱盛字伯彌薄令之元孫遂成君之曾孫安平君之孫五官掾之長子也又云年十有二歲在協洽五月乙巳噓吸不反天隕精龜於是門生東武孫理下密王升等共刊石敘述才美以

銘不朽焉其後題光和四年四月五日丁卯立碑舊在濰州昌邑縣近歲移置郡中云

漢逢童子碑陰

右漢逢童子碑陰題云右家門生右縣中士大夫凡十三人有督郵璉敏賓璉后升司文叔盛姓字按璉司文姓氏書皆不載今誌於此

漢三公碑

右漢三公碑歐陽公集古錄有北嶽碑云文字殘闕尤甚其可見者曰光和四年以此知為漢碑爾其文多言珪幣牲酒黍稷豐穰等事其後二人姓名偶可見云南陽冠軍馮巡字季祖甘陵夏方字伯陽余嘗託人於北

嶽訪求前代刻石幾盡獨無漢碑今此碑所書事及二人姓名與集古所載皆同又光和四年立惟其額題曰三公之碑而集古以爲北嶽碑豈歐陽公未嘗見其額乎三公者山名其事亦載於白石神君與無極山碑三山皆在真定元氏云

漢穀阮君神祠碑

右漢穀阮君神祠碑歐陽公集古錄云穀阮君祠今謂之五部神廟其像有石隄西戍樹谷五樓先生東臺御史王翦將軍莫曉其義今此碑有云石隄樹谷南通商雒又云前世通利吏民興貴有御史大夫將軍牧伯故爲立祠以報其功乃知石隄樹谷御史將軍之號自漢

此記在集古錄卷一

以來有之流俗相傳其所從來遠矣而水經鄭縣城南山北有五部神廟廟前有碑光和四年鄭縣令河東裴畢字君先立又知五部神自齊魏閒已有此號矣裴君水經以爲名畢而集古錄云名華今詳其點畫頗近畢字疑集古錄誤

漢穀阮君神祠碑陰

右漢穀阮君神祠碑陰吏及鄉人題名縣其完好可識者二百餘人摩滅者又百餘人小字瀟勁可喜歐陽公集古錄所未嘗有也

漢無極山碑

右漢無極山碑按顏之推家訓曰詩云有渰萋萋興雲

并元見集古錄



祁祁毛傳云淠陰雲貌萋萋雲行貌祁祁徐也箋云古者陰陽和風雨時其來祁祁然不暴疾也按淠已陰雲何勞復云興雲祁祁邪雲當爲雨俗寫誤爾班固靈臺詩云習習祥風祁祁甘雨此其證也據此則本作雲字之推改爲雨耳而陸德明經典釋文亦云本作興雲非也蓋德明據顏氏說改之故後來本皆作雨今此碑銘文有云興雲祁祁雨我公田遂及我私乃知漢以前本皆作興雲顏氏說初無據特私意耳案漢書食貨志韓詩外傳及呂氏春秋務本篇所引皆同唯後漢左雄傳作興雨李善注班固靈臺詩引毛詩曰興雨祁祁然則作興雲者韓詩也興雨者毛詩也固不可謂其無據又祁祁今詩作祈祈舊本並不爾當是誤刻

漢揚州刺史敬使君碑

宋本五作丑

右漢敬使君碑在河東平陽其額題云漢揚州刺史敬君之銘碑已殘闕其名字皆亾畧可辨者嘗辟司隸從事又爲治書御史最後云年五十三光和四年閏月遭疾而卒其他不復可考按姓苑載風俗通有敬歆漢末爲揚州刺史元和姓纂亦云歆平陽人而後周書敬珍傳唐書宰相世系表歆皆作韶余後得後魏敬曦造像碑亦作韶乃知姓苑姓纂之謬又集古錄此碑凡再出其一題敬仲碑云名字已摩滅獨首有敬仲字故寓其名爾疑其人姓田也其一題無名碑所載事皆同蓋歐陽公未嘗見其額爾

漢稟長蔡湛頌

金石錄卷十七  
右漢稟長蔡湛頌云君諱湛字子德河內脩武人也又  
云舉孝廉辭讓應司徒府除廣川長復辟太尉熹平四  
年六月詔書其下斷闕似是敘述遷稟長及在官政績  
又云三年遷高邑令吏民追思於是故吏栗尹等相與  
合會立碑起頌刊斯石焉其後有銘最後題光和四年  
十二月詔書遷并州刺史其大畧如此其他文字殘闕  
不可考矣

漢蔡湛碑陰

右漢蔡湛碑陰載出錢人名有故吏賤民議民故三老  
故處士義民其稱故吏義民之類他漢碑多有之惟議  
民賤民獨見於此碑然莫詳其義

漢安平相孫根碑

右漢安平相孫根碑云府君諱根字元石司空公之伯  
子樂安太守之兄子漢陽太守侍御史之兄乘氏令之  
考厥先出自有殷商元商之系子湯之苗又云聖武定周  
封比干之墓商裔分析避地匿軌姓曰孫焉又云遷鄆  
長雍奴令換元氏考城令諫議大夫拜議郎謁者遷荆  
州刺史徵拜議郎遷安平相年七十有一光和四年十  
二月乙巳卒碑在今高密縣所謂司空公者桓帝紀永  
壽三年太常孫朗為司空注云朗字代平北海人漢三

宋本殷字缺末一筆

喬上一字

世宗憲皇帝廟諱

宋本朗字缺月內  
二畫

公名亦云朗北海高密人余嘗觀漢時碑碣載其家世  
皆止書官爵蓋為子孫作銘不欲名其父祖爾此最為

得體。然非當代顯人。則遂莫知其爲何人也。又按姓苑  
姓纂諸書皆云孫氏周文王子衛康叔之後衛武公子  
耳爲衛上卿因氏焉。今此碑乃云出於商比干之後。蓋  
古人或因賜姓命氏或以官或以諡或以封或以居或  
以王父字爲氏。故姓氏雖同而源流或異。書傳闕漏不  
載者多矣。

漢涼州刺史魏君碑

右漢涼州刺史魏君碑。文字殘闕。族系名字皆不可考。  
其粗可見者。察孝廉除郎中尚書侍郎右丞。卒於光和  
四年。而其額題涼州刺史魏君碑云。案隸釋云碑有  
其字曰元丕

漢碭孔君神祠碑

右漢碭孔君神祠碑。其前題漢故行梁相事碭孔君之  
神祠。文詞字畫皆古怪而不工。又時有難曉處。然刻畫  
甚完。孔君者名耽字伯本。

金石錄卷第十七

金石錄卷十七終

其前題對好日來時... 魏廬叢書

金石錄卷十八

跋尾八

魏廬叢書

宋東武趙明誠德父編著

吳縣朱記榮校刊

跋尾八

漢

漢成陽令唐君頌

漢唐君碑陰

漢白石神君碑

漢幽州刺史朱龜碑

漢朱龜碑陰

漢都鄉正街彈碑

漢太尉劉寬碑

漢劉寬碑陰

漢尉氏令鄭君碑

漢趙相劉衡碑

漢陳君碑

漢陳仲弓碑

漢陳仲弓碑陰

漢陳仲弓壇碑

漢園令趙君碑

漢周公禮殿記

漢巴郡太守樊君碑

漢綏民校尉熊君碑

漢宗資墓天祿辟邪字

漢司空宗俱碑

漢馮使君墓闕銘

漢高陽令楊君碑陰

漢浚儀令衡立碑

漢光祿勳劉曜碑

漢成陽令唐君頌

右漢成陽令唐君頌云君諱扶字正南字畫尙完而歐

陽公集古錄乃云其名殘缺何哉碑額題漢故成陽令

唐君之頌在今濮州雷澤縣古成陽也士問與碑陰

漢唐君碑陰

此誠取以爲舊  
拓本故其名未  
佚於其古

亦姓氏於石刻  
以是為考其用  
一以行其友實  
林之近成南里即  
姓氏猶一書即  
可仿其說或為

右漢唐君碑陰載出錢造碑人有故從事故督郵故吏  
處士門生門童等姓名案按唐君碑云處士間葵班等刻  
石樹頌而碑陰又有故吏間葵巴處士間葵楚間葵姓  
不見於前史而姓苑姓纂之類亦皆不載蓋前代氏族  
或因改易或浸微不顯遂泯沒而無傳者甚眾今世所  
有姓氏書類多簡畧不完惟時時見於石刻者余每記  
之以裨姓氏書之闕云

漢白石神君碑

右漢白石神君碑其畧云白石神君者居九山之數參  
三條之一兼將軍之號秉斧鉞之威體連封龍氣通化  
岳幽讚天地長育萬物觸石而起膚寸而合不終朝日

宋本作上尚書

考亦指有知本

而澍雨沾洽自前後國縣屢有新請指日刻期應時有  
驗猶自挹損不求禮秩縣界有六名山三公封龍靈山  
得法食去光和四年三公守民蓋公等始為無極山詣  
太常求法食相縣以白石神君道德灼然乃具載本末  
上尚書求依無極即蒙聽許于是遂開拓舊兆改立殿  
堂其餘首尾尚皆完好可讀文多不備載其曰居九山  
之數參三條之一莫曉為何語也九山三條見  
尚書注疏

漢幽州刺史朱龜碑

右漢幽州刺史朱龜碑在今亳州酈道元注水經云渦  
水東逕朱龜墓北東南流冢南枕道有碑題云漢故幽  
州刺史朱君之碑龜字伯靈光和六年卒官今以碑考

宋本首作手

之與道元所載皆合歐陽公集古錄云龜之事跡不見  
史傳獨見于此碑爾余按後漢書西南夷傳熹平五年  
諸夷反叛執蜀郡太守雍陟遣御史中丞朱龜討之不  
能克太尉掾李暉建策討伐乃以暉為益州太守發板  
楯蠻擊破平之常璩華陽國志亦載其事與史同惟史  
與華陽國志皆言龜不能克而碑云蠻夷授首乞降二  
說不同疑碑所書非實錄也

漢朱龜碑陰

右漢朱龜碑陰文字殘闕初余讀酈道元注水經云朱  
龜碑陰故吏姓名多上谷代郡人知此碑有陰因託人  
就亭社撈得之附於碑後

漢都鄉正街彈碑

右漢都鄉正街彈碑在汝州界故昆陽城中文字摩滅  
不可考究其歲月畧可見蓋中平二年正月而其額題  
都鄉正街彈碑莫知其為何碑也

案街彈之義見周禮里宰注

漢太尉劉寬碑

右漢太尉劉寬碑寬有兩碑皆在洛陽上東門外官道  
傍此碑據藝文類聚乃桓麟撰後碑不知何人所為然  
字體則同也

漢劉寬碑陰

右漢劉寬碑陰寬兩碑皆有陰此後碑陰也唐咸亨中  
碑仆於野其裔孫周王記室參軍爽字元爽重為建立

寬以中平二年卒據靈帝紀以光和七年十二月改元  
中平以歷推之是歲甲子至明年當爲乙丑而爽書爲  
甲子誤矣

漢尉氏令鄭君碑

右漢魏氏令鄭君碑云君字季宣聘君之孫而其名已  
殘缺其他字畫時有可識處皆斷續不成文理畧可見  
者年五十有七卒于中平二年而碑陰題尉氏故吏處  
士人名知其爲尉氏令爾

漢趙相劉衡碑

右漢趙相劉衡碑云君諱衡字元宰濟南東平陵人也  
厥先尙矣聖漢龍興其下殘缺又云爰啟冀土遷於岱

日任尔三年

宋本徵字缺末一筆

陰自康侯以來奕世丕承又云教海王帝之冢弟不遵  
憲典君以特選爲郎中令以兄琅邪相憂即日輕舉州  
察茂才除修令遷張掖屬國都尉以病徵拜議郎遷  
字東屬國都尉不行拜趙相在位三歲拜議郎年五十  
有三以中平四年二月戊午卒其四月己酉葬其餘文  
字完好者尙多按後漢書教海王名悝桓帝弟也衡墓  
與碑在今齊州歷城縣界中古平陵城傍余嘗親至墓  
下觀此碑因模得之墓前有石獸制作甚工云

漢陳君碑

右漢陳君碑文字殘闕不完其畧可識者云君諱度字  
妙高陳國相人

案隸續云本是柘人陳國相又云武王克  
有柘縣趙氏誤認柘作相

跋尾八

朱氏槐廬校刊



商封先代之後以元女大姬配胡公至厲公生公子完奔齊其後斷續不復成文而最後題中平四年九月二十日己丑立云

漢陳仲弓碑

右漢陳仲弓碑其額題云漢文範先生陳仲弓之碑碑文字已漫滅蔡邕字畫見于今者絕少故雖漫滅之餘尤為可惜以校集本不同者已數字惜其不完也按邕集仲弓三碑皆邕撰其一碑云中平三年秋八月丙子卒而三碑皆云春秋八十有三後漢書仲弓傳以為中平四年年八十四卒於家者疑傳誤

漢陳仲弓碑陰

右陳仲弓碑陰故吏姓名多已剝缺蔡邕小字八分惟此與石經遺字爾石經字畫謹嚴而此碑陰尤放逸可愛

漢陳仲弓壇碑

右漢陳仲弓壇碑其額題故太邱長潁川陳君壇其他文字摩滅不可盡識按蔡邕集有仲弓三碑以集本校之此碑非邕撰者然字畫亦奇偉惜其殘缺不完也

漢圉令趙君碑

右漢圉令趙君碑其額題漢故圉令趙君之碑而最後題初平元年十二月二十八日立碑已殘缺名字皆不可考所可見者有云郡仍署五官掾功曹州辟從事司

徒楊公辟遷圉令播德二城風曜穆清被疾去官年六十有八以中平五年冬十一月卒後有銘詩特完好其辭云天實高惟聖同戲我君羨其縱體宏仁蹈中庸所臨歷有休功追景行亦難雙刊金石示萬邦其辭頗爾雅故錄之

漢周公禮殿記

右漢周公禮殿記者今成都府學有漢時所建舊屋柱皆正方上狹下闊此記在柱上刻之靈帝初平五年去距今蓋千年矣而字畫完好可讀當時石刻在者已往往摩滅此記託於屋楹乃與金石爭壽亦異矣記有云甲午年故府梓潼文君增造吏舍二百餘間按華陽國

宋本無已字

志有文參字子奇梓潼人平帝用爲益州太守不從王莽公孫述光武嘉之疑此記所載卽其人也蓋光武建武十年歲次甲午云

漢巴郡太守樊君碑

右漢巴郡太守樊君碑云君諱敏字昇達肇祖宓戲遺苗后稷爲堯種樹舍潛於岐天顧亶甫乃萌昌發周室衰微霸佐匡弼晉爲韓魏魯分爲揚充曜封邑厥土河東楚漢之際或居于楚或集于梁君續其緒華南西畧又云總角好學治嚴氏經貫穿道度無文不覩於是國君備禮招請濯冕題冠傑立忠蹇有夷史之直卓密之風鄉黨見歸察孝除郎永昌長史遷蕩渠令大將軍辟

宋本作陷

宋本藏作臧

宋本作瘡

光和之末京師擾攘雄狐綏綏冠履同囊投核長驅案核二字從葉本即投劾也謝本核作投械汪本作板屋竝非畢志枕邱國復重察辭病不就再奉朝聘七辟外臺常為治中諸部從事又云季世不祥米巫殍瘡案舊本竝作瘡從碑文姦狡竝起諂附者眾案本詔君執一心賴無污恥復辟司徒道隔不往牧伯劉公表授巴郡以助義都尉養疾閭里又行褒義校尉年八十有四歲在汴洽紀驗期臻奄忽藏形其後有銘最後題建安十年二月上旬造案目錄作三月金石文字記亦作三月他漢碑類多剝缺而此碑獨首尾完好故載其大畧於此所謂米巫凶瘡者謂張角也案何氏焯云此謂張魯爾

漢綏民校尉熊君碑

存疑

右漢熊君碑其名字皆殘缺案集古錄云名喬隸釋云此碑敘先世祖之下云君喬字漢舉喬上闕一字必父也歐陽說非是其額題漢故綏民校尉騎都尉桂陽曲紅灌陽長熊君之碑初余得桂陽太守周君碑陰注水經注以為曲江漢時本名曲紅今此碑及額亦皆作紅乃知酈道元為有據也

漢宗資墓天祿辟邪字

右漢天祿辟邪字在南陽宗資墓前石獸膊上歐陽公集古錄按黨錮傳云資祖均自有傳見章懷太子注今後漢書有宋均傳云南陽安眾人而無宗均傳疑黨錮傳轉寫宋為宗爾蜀志有宗預南陽安眾人豈安眾黨漢時有宗宋二族而字與音皆相近遂致訛謬邪此說非是余

宋本作延熹

按後漢書均族子意傳云意孫俱靈帝時為司空而靈  
帝紀建甯四年書太常宗俱為司空注云俱字伯儷南  
陽安眾人嘉平二年書司空宗俱薨又姓苑載南陽安  
眾宗氏云後漢五官中郎將伯伯子司隸校尉河內太  
守均均族兄遼東太守京京子司隸校尉意意孫司空  
俱元和姓纂所書亦同則均姓為宗無可疑者當章懷  
太子為注及林寶撰姓纂時尚未差謬至後來始轉寫  
為宋爾余既援據詳審遂於家藏後漢書均列傳用此  
說改定云

漢司空宗俱碑

右漢司空宗俱碑云公諱俱字伯儷南陽安眾人也而

宋本無好字

其額題漢故司空宗公之碑按後漢書宋均傳均族子  
意意孫俱靈帝時為司空余嘗得宗資墓前石獸膊上  
刻字因以後漢帝紀及姓苑姓纂等諸書參考以謂自  
均而下其姓皆當作宗而列傳轉寫為宋誤也後得此  
碑益知前言之不謬碑已殘缺不成文理而官秩姓名  
鄉里特完好可考故詳著之

漢馮使君墓闕銘

右漢馮使君墓闕銘云故尚書侍郎河南京令豫州幽  
州刺史馮使君神道按後漢王馮緄傳緄父煥安帝時  
為幽州刺史而緄碑亦云幽州君之元子此時在宕渠  
緄墓前雙石闕上知其為煥也

宋本無幽州二字

存校

漢高陽令楊君碑陰

右漢高陽令楊君碑陰歐陽公集古錄云余家集錄得楊震墓域中漢碑四震及沛相繁陽高陽令碑并得碑陰題名然得時參錯不知為何碑之陰也集古所有余盡得之又各以碑陰附于碑後其曰懷陵園令蔣禧字武仲者沛相碑陰也其曰故吏故民故功曹史故門下佐者繁陽令碑陰也其曰右後公門生右沛君門生者高陽令碑陰也

漢浚儀令衡立碑

右漢浚儀令衡立碑云君諱立字元節其先出自伊尹而其銘曰於穆從事歐陽公集古錄號為元節碑且云

宋本作白

宋本無門字

疑其姓伊而為從事也今碑首尚完題云浚儀令衡君之碑蓋漢時石刻其官爵姓氏既載於額則其下不復更著苟文已殘缺又不見其額則遂難考究矣立與衛尉卿衡方墓皆在今鄆州中都方碑亦云其先伊尹號稱阿衡因以氏焉

疑其姓伊而為從事也今碑首尚完題云浚儀令衡君之碑蓋漢時石刻其官爵姓氏既載於額則其下不復更著苟文已殘缺又不見其額則遂難考究矣立與衛尉卿衡方墓皆在今鄆州中都方碑亦云其先伊尹號稱阿衡因以氏焉

漢光祿勳劉曜碑

右漢光祿勳劉曜碑集古錄云君諱曜字季尼年七十三其餘爵里官閥卒葬歲月皆不可見今此碑雖殘闕然尚有可考慮蓋孝文之裔又嘗為太官令郎中居延都尉太宗正衛尉遂為光祿勳至于卒葬年月則斷續不可考矣

金石錄卷第十八

金石錄卷十八終

金石錄卷十九

跋尾九

槐廬叢書

宋東武趙明誠德父編著

吳縣朱記榮校刊

跋尾九

漢

漢張侯殘碑

漢荊州從事苑鎮碑

漢趙相離府君碑

漢逢府君墓石柱篆文

漢永樂少府賈君闕銘

漢酸棗令劉熊碑

漢臨朐長仲君碑

宋本作君

漢蜀郡太守任君神碑

漢蜀郡屬國都尉王君神道

漢司空殘碑

宋本無銘字

漢益州太守楊宗墓闕銘

漢益州刺史薛君巴郡太守劉君碑

漢巴郡太守張君碑

漢南陽太守秦君碑額

漢河南尹蘇府君碑額

漢禹廟碑

漢禹廟碑陰

漢司空掾陳君碑陰

宋本無下廟字

漢武氏石室畫像

戚伯著碑

四皓神位刻石

相府小史夏堪碑

郭先生碑

漢張侯殘碑

右漢張侯殘碑張侯者子房也碑已斷裂摩滅不可次敘獨其額尚完題漢故張侯之碑在今彭城古留城子房廟中驗其字畫蓋東漢時所立樂史寰宇記陳留縣有張良墓引城冢記云張良封陳留侯食邑小黃一萬戶漢為良築城因名張良城今陳留有子房廟廟貌甚

宋本無乃字  
寔字作乃字

盛、余按西漢書地理志注、畱屬陳故、稱陳畱、宋亦有畱、彭城畱是也、子房傳曰、始臣起下邳、與上會畱城、願封畱足矣、下邳與彭城相近、而此碑乃漢人所立、寔在彭城、然則子房所封、非陳畱明矣、城冢記誕妄、蓋不足信也。

漢荊州從事苑鎮碑

右漢苑鎮碑、其畧云、漢故荊州從事苑君諱鎮字仲弓、南陽人也、其先出自苑栢、何為晉樂正、世掌朝禮之制、案別本無又云、有苑子園、寔能掌陰陽之理、君即其冑禮之二字也、按姓氏書、皆云苑氏出於左傳、所載齊大夫苑何忌之後、今此碑所謂苑栢、何與子園、左傳國語皆無其人。

宋本作侍

故錄之以俟知者

漢趙相離府君碑

右漢趙相離府君碑、其前歷敘家世官爵、而所述離君事甚畧、云、府君名勸、孝廉、成臯令、趙國相、又云、在官五載、莅政清平、有甘棠之化、年四十五、卒于官、故吏民漢中太守、邯鄲某等、其名慕戀恩德、刊石稱頌焉、又有闕殘缺銘題漢故趙國相離府君之闕云。

漢逢府君墓石柱篆文

右漢逢府君墓石柱篆文、云、漢故博士趙傳逢府君神道、唐李利涉編古命氏、北海逢氏有名、絲字子繡者、為漢趙王傅、其孫萌、不仕王莽、蓋前漢人、今逢君北海人。



宋本徵字缺末筆

又為趙王傅疑其是也而濰州圖經北海縣有逢汾墓云汾好學以德義聞徵為博士趙王傅卒門人執衰經者數百葬於寒亭南四里今此篆文既不載其名皆莫可考然圖經所載逢君事首尾甚詳不知何以知其名汾必別有所據又疑絲與汾兩人前後皆嘗為趙王傅未可知也故并載之以俟知者

漢永樂少府賈君闕銘

右漢永樂少府賈君闕銘按漢書桓帝母孝崇偃皇后居永樂宮和平元年詔置太僕少府如長樂故事其後靈帝母孝仁董皇后亦居是宮歐陽公集古錄引章懷太子注云漢官儀長樂少府以宦者為之則賈君蓋亦

此兩合本厚長  
解按尾末見集  
古保日百八六官  
女一記

宋本有今字  
宋本下缺一字

係正文非注下  
字上又有孟字  
宋本碑又云上多  
一字即

聖祖廟諱上二字  
疑衍

註詳五采誌說

宦者也余以漢史及石刻考之當時三公如陳球劉寬皆嘗為此官非獨一人蓋自西漢以來太后皇后官屬如大長秋之類皆參用士人然則漢官儀以為止用宦者為之蓋其闕漏而集古錄遂以賈君為宦者亦未必然也

漢酸棗令劉熊碑

右漢劉熊碑在酸棗縣云君諱熊字孟孟下缺一字按酈道元

注水經酸棗城內有漢縣令劉孟陽碑今據碑熊寔為此縣令然則所缺一字當從水經為陽也碑又云君光

武皇帝之元孫廣陵王之孫俞鄉侯之季子也按後漢書光武之廣陵思王荆以譴死顯宗封其子元壽為廣

陵侯又封元壽第三人皆為鄉侯而李利涉編古命氏  
唐書宰相世系表皆云荆生俞鄉元侯平平生彪襲封  
今據熊當為彪之弟然則於光武乃其曾孫而曰元孫  
者疑碑誤

漢臨胸長仲君碑

右漢臨胸長仲君碑文字摩滅其麤祖可見者云君諱雄  
又云歷郡五官掾功曹史辟從事舉孝廉除郎中遷臨  
胸長而其額題故臨胸長仲君碑云

漢蜀郡太守任君神道

右漢蜀郡太守任君神道九字字畫壯偉然不著名字  
鄉里歲月莫詳其為何人也

宋本作稚

漢蜀郡屬國都尉王君神道

右漢王君神道在南陽云漢故蜀郡屬國都尉王君神  
道封陌按酈道元注水經清水南道側有二石樓制作  
精妙題曰蜀郡太守姓王字子雅案雅謝本作稚葉本作雄南陽西  
鄂人有三女無男而家累千金父歿當葬三女各出錢  
五伯萬一女築墓二女建樓今此碑後有唐向城令張  
璿之撰孝女雙石樓記所書與水經注合惟水經誤以  
都尉為太守爾璿之記天寶七載建別錄於後

漢司空殘碑

右漢司空殘碑政和乙未歲得于洛陽天津橋之故基  
首尾已不完所存四十五字字畫奇偉其詞有云命爾

司空余同爾輔據此乃嘗爲三公蓋當時顯人惜其不見名氏也碑陰有故吏題名百餘人尤完好筆法不減蔡邕石經云

漢益州太守楊宗墓闕銘

右漢楊宗墓闕銘在蜀中凡十六大字云漢故益州太守楊府君諱宗字德仲墓闕汝陽李長茂爲蜀使者罷歸以此本見遺長茂名公年東州善士以畫山水著稱者

漢益州刺史薛君巴郡太守劉君碑

右漢薛君劉君碑已斷裂不完惟存上一段而其額尙全題漢故益州刺史中山相薛君巴郡太守宗正卿成

平侯相劉君碑古無兩人共立一碑者惟見于此爾續云碑有祭死者及薛劉征討字殆是紀述平寇之事趙氏誤以爲墓刻故云古爲兩人共立一碑者又額成平侯下本無相字蓋王子侯也

漢巴郡太守張君碑

右漢巴郡太守張君碑其前題巴郡太守都亭侯張府君功德敘云君諱訥案隸釋字子朗勃海南皮人也又

云炎漢龍興留侯維幹枝裔滋布竝極爵秩又云察孝廉案葉本從隸釋無廉字除郎中尙書侍郎遷甘陵寃句令親病

去官辟司空司徒府復辟太尉舉高第拜侍御史揚州寇賊陸梁作難五府表君中丞督捕又云丙子璽書封都亭侯碑無卒葬年日其後頗敘述政績而繫以銘詩

宋本作郎

宋本無廉字

宋本侍作侍

蓋巴郡太守德政碑爾按漢史自安順以來揚州寇賊屢發不知張君爲中丞督捕在何年也

漢南陽太守秦君碑額

右漢南陽太守秦君碑額文字已摩滅惟其額十大字尚完好故名字歲月皆莫可考按後漢書靈帝紀中平三年二月江夏兵趙慈反殺南陽太守秦頡或云此卽頡碑也然酈道元水經注載頡墓與碑皆在宜城此碑乃在南陽或是郡人所立德政頡爾案字原云碑在襄陽府宜城縣故牆集古錄以爲在南陽界中者河南南陽與湖廣襄陽接壤故也此所疑非是漢河南尹蘇府君碑額右漢蘇府君碑額題漢故河南尹蘇府君碑今宣州太

韓輝士云予所見者額有九十字

宋本作

外亦不據文曰六字

宋本有果字

守張叔夜稭仲見寄云在許州道傍碑無文詞惟此十字其額爾按東漢時蘇氏最顯者惟蘇章嘗以河南尹徵不就其他無尹河南者意其爲章碑也然章扶風平陵人而碑乃在許昌未知是否

漢禹廟碑

右漢禹廟碑字畫淺細故摩滅尤甚其字跡歲月皆不可考畧可見者云皮氏長安定蘇而名字亦不能辨矣

漢禹廟碑陰

右漢禹廟碑陰自侯長汾陰趙遺子宣而下凡數十人姓名官爵具存又有故督郵曹史縣功曹鄉部吏栢昱等人名最後有龍門復民三十五戶人民在今龍門禹

廟殘碑之陰而集古錄云在閩鄉楊震墓側又云楊氏子孫當時皆葬閩鄉碑碣往往摩滅此不知爲誰碑者蓋誤也

漢司空掾陳君碑額

右漢司空掾陳君碑額碑已殘缺不可辨惟其首八大字尚完字畫奇偉在潁川陳太邱墓側按後漢書太邱傳載二子紀諶紀爲大鴻臚諶不著其爲何官惟劉孝標注世說引海內先賢傳曰諶字季方寔少子也司空掾公車徵不就蚤卒然則斯碑豈非陳諶碑乎案隸續中郎所作太邱第三碑也碑中自有太邱姓名後漢書陳寔傳父子竝著高名每宰府辟召常同時旌命恐其父子皆嘗以司空掾召也趙氏不能認碑故誤指爲諶耳

漢武氏石室畫像

右漢武氏石室畫像五卷武氏有數墓皆在今濟州任城縣墓前有石室四壁刻古聖賢畫像小字八分書題記姓名往往爲費於其上于文詞古雅字畫遒勁可喜故盡錄之以資博覽

戚伯著碑

右戚伯著碑首尾摩滅其畧可見者有云充列王室遇謗于呂委位捐爵而其額題周末嗣戚氏襲以興勃海君元孫伯著之碑知其姓戚以文詞字畫驗之疑東漢中葉以前人蓋當時石刻見於今者多類此所謂充列王室遇謗于呂者戚夫人也

隸釋云武氏石室畫像引世說而更自證

宋本無皆字

宋本無縣字

宋本作南

四皓神位刻石

右四皓神位神胙凡刻石四在惠帝陵傍驗其字畫蓋東漢時書按顏師古匡謬正俗引圈稱陳畱風俗傳自序云圈公之後圈公為秦博士避地商山漢祖聘之不就惠太子即位以圈公為司徒自圈公至稱十一世按班固述四皓但有園公非圈公也云當秦之時避地入商洛深山則不為博士明矣又漢初不置司徒安得以圈公為之乎稱之說實為鄙野余嘗疑稱著書自述其世系不應妄誕如此及得四皓刻石見其所書亦為圈公乃知稱所述果非臆說蓋當時所傳如此爾至謂圈公為秦博士及惠帝時拜司徒者疑無所據

相府小史夏堪碑

右相府小史夏堪碑云夏堪字叔德帝禹之精苗零陵太守之根嗣也後有銘銘三字語頗古其卒葬年月殘缺字雖不工然漢碑也其曰精苗根嗣漢末人為文喜造語多類此

郭先生碑

右郭先生碑集古錄以為漢碑按後魏酈道元注水經具載此碑云碑無年號不知何代人然則歐陽公何所據遂以為漢人乎余以字畫驗之疑魏晉時人所為既無歲月可考姑附於漢碑之次云案郭先生名輔隸釋所諱疑此是魏刻

集古錄作歲月

集古錄十二云此碑之刻者字畫今碑有兩照字者人所諱疑此為魏刻

金石錄卷第十九

金石錄卷十九終

金石錄卷二十

跋尾十

魏

吳 盧叢書

宋東武趙明誠德父編著

吳縣朱記榮校刊

跋尾十

魏 吳 晉 偽漢 偽趙

魏大饗碑

唐重立大饗碑附

魏孔子廟碑

魏范式碑

魏太僕荀君碑

魏南郡太守卞統碑

晉南鄉太守司馬整碑頌

宋本有魏字  
宋本無附字

宋本無碑字

晉南鄉郡建國碑

魏大長秋游君碑晉咸甯中建

魏游君碑陰

吳禪國山碑

吳天璽元年斷碑

晉右將軍鄭烈碑

晉太公碑

晉雲南太守碑

晉護羌校尉彭新碑

晉彭新碑陰

晉光祿勳向凱碑

宋本有公字

宋本有魏字

宋本有守字

無頌字

晉鴻臚成公重墓刻

偽漢司徒劉雄碑

鄧艾碑與下兩碑皆西晉時立

金鄉長薛君碑頌

張平子碑

造浮圖澄造釋迦像碑

趙橫山李君神碑

趙西門豹祠殿基記

晉樂毅論

學生題名

宋武帝檄譙縱文



魏大饗碑

右魏大饗碑按魏志文帝以建安二十五年嗣位為丞相魏王改元延康夏六月南征秋七月甲午軍次于譙大饗六軍及譙父老今以碑考之乃八月辛未蓋魏志誤也是時不為丞相漢獻帝猶在位雖政去王室已久然操之死纔數月爾不軍次舊里初無念親之心乃與羣臣百姓置酒高會大設伎樂而臣下又相與伐石勒辭夸耀功德更以夏啟周成漢高祖光武為比豈不可笑也哉

唐重立大饗碑附

右唐重立大饗碑大中五年亳州刺史李暨以舊文刊

宋本有魏字  
無附字  
此碑不引於目

缺再刻于石舊碑既斷續不可盡識而此碑特完好故附於其次俾覽者詳焉魏之事跡雖無足取而其文詞工妙亦不可廢也

魏孔子廟碑

右魏孔子廟碑按魏志文帝以黃初二年正月下詔以議郎孔羨為宗聖侯奉孔子之祀及令魯郡脩起舊廟今以碑考之乃黃初元年又詔語時時小異亦當以碑為正

范式碑

右范式碑法書要錄云蔡邕書今以碑考之乃魏青龍三年立非邕書也

魏太僕荀君碑

右魏太僕荀君碑其題額爲故太僕西楊亭成侯荀府君之碑碑已殘缺其可見者嘗爲齊相始平太守大將軍長史封西楊亭侯遂爲太僕春秋五十有一正始五年夏六月丙寅薨惟其名字鄉里摩滅不可考矣

魏南郡太守卞統碑

右魏南郡太守卞統碑在今曹州冤句縣所敘世次官闕甚簡又多殘缺其畧云君諱統字建業又云惟帝念庸命以南邦又云嘉平二年十一月己亥寢疾卒官而其首題魏故南郡太守卞府君之表按晉書卞壺傳濟陰冤句人祖統琅邪內史而元和姓纂亦云統爲晉琅

宋本有尚存二字

邪內史今此碑殘缺處猶有琅邪字知其嘗爲此官而統以魏嘉平中卒姓纂以仕晉者誤也

晉南鄉太守司馬整頌

右晉南鄉太守司馬整頌云初仕魏拜郎中中郎議郎諫議大夫騎都尉給事中轉拜治書侍御史咸熙二年出臨鄆郡加宣威將軍又云謁者就郡拜君世子執節四讓推與兄嗣固辭懇誠泰伯三美君又加焉又云泰始三年十一月使者奉詔策命君南中郎將牧就統宛都按晉史整事跡附見安平獻王孚傳後云兄奕卒以整爲世子歷南中郎將封清泉侯早卒其餘官闕皆不載據史言兄奕卒以整爲世子而碑言推與兄嗣二說

宋本無就字宛下空一格

不同當以碑爲正

晉南鄉郡建國碑

右晉南鄉郡建國碑已斷裂不完其額題南鄉郡建國之碑其大畧云嘉平五年漢水滔溢毀壞舊城又云正元二年城此其餘文字可識處大畧述遷郡事而銘文有與晉常存之語知其爲晉碑也按晉書地理志建安十三年魏武帝盡得荊州之地分南陽縣西界立南鄉郡及晉武平吳太康中改南鄉爲順陽而不載遷郡事此碑蓋太康以前立故仍稱南鄉也碑有云河內司馬府君者整也嘗守是郡自有碑此碑既無建立年月因附於整碑之次焉

宋本作里

魏大長秋游君碑

晉咸甯中

右大長秋游君碑云君諱述字庶祖按元和姓纂云魏河南尹游述始居廣平六代孫後魏尚書明根生僕射肇今碑亦云述廣平人惟姓纂云述爲河南尹以碑考之蓋未嘗爲此官又按後漢書百官志大長秋承秦將行宦者景帝時更名大長秋或用士人中興嘗用宦者述嘗爲宛宛句長尚書郎左丞元城令治書侍御史南安北海安平東郡太守符節令遂爲大長秋皆非宦者之職然則魏制蓋亦參用士人矣

魏游君碑陰

右游君碑陰按王莽嘗下令禁二名故當時士人皆以

一字爲名東漢時尙爾今此碑陰所記凡二百五十三人亦無一人二名者碑晉咸甯中建距莽時二百年矣而士大夫猶遵莽之令不變何哉

吳禪國山碑

宋本作皓下同

右吳禪國山碑其前敘孫皓即位以後郡國祥瑞凡千餘言其後云乃以涪灘之歲欽若昊天月正革元郊天祭地紀號天璽又云丞相沆太尉璆大司徒變大司空朝等以爲今衆瑞畢至三表納貢案三乃古四字雲蓋漫抄作四表葉本作三誤失九一筆爾垓八垓罔不被澤率按典繇宜先行禪禮紀勒天命遂於吳興國山之陰告祭刊石以對揚乾命廣報坤德按皓以丙申歲改元天璽碑言涪灘之歲是也

宋本作三

皓淫虐無道人神憤疾而羣臣方稱述符瑞讚頌功德蓋刻石後四年遂爲晉所俘矣

吳天璽元年斷碑

右吳天璽元年斷碑其前云上天帝言又云帝曰大吳一萬方又云天發神讖文天璽元年七月己酉朔又云天讖廣多不解解者十二字嗚呼其言可謂妖矣據吳志天璽元年秋八月都陽言厯陽山石理成字凡二十明年改元大赦以協石文今此碑乃在金陵驗其文與吳志所載亦異莫可考究孫皓在位凡八改元而六以符瑞然竟不能保其國蓋人事不脩而假託神怪以矯誣天命其不終宜矣

宋本有軍字

晉右將軍鄭烈碑

右晉鄭烈碑云君諱烈字休林又云曾祖先生皇祖徵君顯考將作大匠寔有茂德載在國策烈晉史無傳以碑考之嘗為文帝參佐武帝時仕為兗州刺史封東莞男以疾徵拜議郎卒于太康二年追贈右軍將軍諡曰僖侯云案隸續云題額晉故右軍將軍平莞僖侯鄭府君之碑平字下一字額已損而銘辭亦微缺僅存莞字趙氏以為東莞則誤也晉縣亦無平莞非鄉名即亭名也

晉太公碑

右晉太公碑其畧云太公望者此縣人大晉受命四海一統太康二年縣之西偏有盜發冢而得竹策之書書藏之年當秦坑儒之前八十六歲今以晉書武帝紀考

宋本勗字缺末筆

宋本作許

宋本作於見

之云咸甯五年汲郡人不準掘魏襄王家得竹簡小篆古書十餘萬言藏于祕府與此碑年月不同碑當時所立又荀勗校穆天子傳其敘亦云太康二年與碑合可以正晉史之誤其曰小篆書亦謬也且其書既在秦坑儒八十六歲之前是時安得有小篆乎碑又云其周志曰文王夢天帝服元禳禳字字書所無以立于合狐之津帝曰昌賜汝望文王再拜稽首太公于後亦再拜稽首文王夢之之夜太公夢之亦然其後文王見太公而計之曰而名為望乎答曰惟為望案惟疑即唯字應辭也文王曰吾如有所見於汝太公言其年月與其日且盡道其言臣此以得見也文王曰有之有之遂與之歸以為卿士而史記

宋本云云二字作旁注

太公世家曰西伯將出獵卜之云云于是西伯獵果遇太公于渭之陽與語大說曰自吾太公望子久矣故號之曰太公望載與俱歸二說殊不合而王逸注楚詞亦載文王夢太公事與碑所書畧同方逸為注時此書未出逸必別有所據碑又云其紀年曰康王六年齊太公望卒參考年數蓋壽一百一十餘歲而史記亦不載按前世所傳汲冢諸書獨有紀年穆天子傳師春等不載所謂周志者不知為何書而杜預左氏傳後敘云汲冢書凡七十五卷皆藏祕府預親見之以此知不特十餘萬言史之所記蓋不能盡其亾逸見于今者絕少也太公碑汲縣令盧無忌立後題太康十年三月云

晉雲南太守碑

右晉雲南太守碑文字殘缺其姓氏名字鄉里皆不可考畧可見者嘗為尚書令史察孝廉除郎中遷武陽令從龍驤將軍王濬征討遷雲南太守年五十有七卒最後題太熙元年三月上旬造案葉本同目錄作三月謝本汪本作正月書畫譜亦是正太熙武帝年號也

晉護羌校尉彭祈碑

右晉彭祈碑云君諱祈字子元隴西襄武人也其先出自顓頊有陸終之裔子太彭實主夏盟則其後也又云歷郡右職州別駕從事于時庸蜀未殄侵擾王略洮西之戰因敗運奇元帥獲安剋厭疆虜列上功狀除舍人

還參本軍事除涼州護軍河右未清戎寇鼎沸謀謨神  
畧簡在帝心遷西郡太守至官未久復臨酒泉遠夷望  
風纏負歸命白山丁令率服賓貢敦煌合狐豐距違王  
度淵泉之陳兵不血刃母老弟亾辭職去官聖上仁慈  
聽君所求轉畧陽太守近家祿養案舊本作洛陽非也略陽與隴西相近今  
定從遂罹大艱侍喪還家服紀終始有詔以軍州始分  
河右未清豺狼肆虐授君節蓋除護羌校尉統攝涼土  
前後軍功應封七侯勞謙退讓陰德不伐年未知命以  
太康十年三月癸酉薨天子愍悼遣使者監護喪事策  
曰君秉心公亮所任有方不幸殞歿朕甚痛惜故孝廉  
參護羌軍事酒泉馬朔故吏郎中綦母番主簿郭曉良

吏夏侯俊等追思洪烈感想哀嗟乃刊石勒銘焉西晉  
石刻見於今者絕少又多殘缺此碑文字完好可喜乃  
錄其終始事跡於此

晉彭祈碑陰

右晉彭祈碑陰題名者凡三百十二人有故孝廉計掾  
計史良吏廉吏計佐主簿領校錄事中部督郵西部督  
郵軍議從事和戎從事記室督軍謀從事錄事史戶曹  
史賊曹史金曹史田曹史倉曹史鎧曹史兵曹史客曹  
史記室史節史車曹史水部都督中部都督功曹典事  
武猛從事舍人蜀渠都水行事中郎勸農西部勸農東  
都水蜀渠平水門下賊曹門下議生錄事金曹掾兵曹

宋本作此  
宋本作得自

掾作部史法曹史參戰騎都步督散督門下書佐弓馬從事監牧史戟史金曹典事武猛史門下通事門下小史凡一官多者十人少者不減數人其餘稱故吏無官號者百六十餘人當時州郡官屬其濫如是蓋自漢以來太守皆自得署置僚佐彭君爲邊郡守故其所辟尤衆今盡錄其名號以見一時之制焉

晉光祿勳向凱碑

右晉向凱碑云君諱凱字士伯河內山陽人也其後歷敘官閥甚詳其最顯者嘗爲中書侍郎尚書吏部郎給事黃門侍郎賜爵關中侯廣平太守散騎常侍遊擊將軍北中郎軍司兗州刺史中郎將後云累遷河南尹春

宋本作如何

秋六十有八元庸九年四月甲子薨追贈光祿勳據此乃當世顯人而晉史無傳故其事跡莫得而考蓋君子所賴以傳者非爵位也顧所立何如爾自古老死邱壟而名稱顯著者甚衆雖在高位而功烈不見于當時聲跡無聞於後世者亦豈可勝數哉

晉鴻臚成公重墓刻

右晉成公重墓刻云永甯二年四月辛巳朔十五日乙未守鴻臚關中侯成公重魏夫人之靈柩前世以永甯紀年者三漢安帝晉惠帝僞趙石祇按三國志建安三十一年曹操始置關中侯十七級安帝時猶未有此號而石祇永甯無二年然則重蓋惠帝時人也晉史有成公

宋本作二十年

建寧二十二年  
作三者誤



簡成公綏皆東郡白馬人

偽漢司徒劉雄碑

右偽漢劉雄碑其額題漢故使持節侍中太宰司徒公右部魏成獻王之碑碑云公諱雄字元英高皇帝之胄孝宣帝元孫值王莽篡竊遠遁邊朔為外國所推遂號單于累葉相承家雲中因以為桑梓焉雄劉元海弟也晉書載紀元海本匈奴人冒頓之後漢高祖以宗女妻冒頓約為兄弟故其子孫遂冒姓劉氏今此碑直云出自宣帝豈元海初起假此以惑眾乎碑後題嘉平五年歲在乙亥二月六日建按宋莒公紀年通譜劉聰以晉懷帝永嘉四年即偽位改元光興明年改元嘉平嘉平

宋本作記

四年改元則嘉平豈復更有五年蓋載紀初不編年故于改元歲月難考此碑當時所立不應差謬乃通譜誤之也

鄧艾碑

與下兩碑皆西晉時立

右鄧艾碑其額題魏使持節征西將軍方城侯鄧公之碑碑無建立年月以詞考之蓋晉初立按魏晉史其名皆為艾而碑作艾古艾又通為俊艾艾安之字

案本作為艾而碑作艾古艾又通為俊艾艾安之字耳今改正疑艾名其音

謝如此而今人讀如蕭艾之字恐非是又按艾平蜀即軍

中拜太尉而碑但題為征西將軍者疑尋被禍未嘗受命而艾始封方城侯後改封鄧侯碑尚云方城侯何哉

宋本作古文又

宋本作謂

金鄉長薛君頌

右薛君頌在今濟州金鄉縣其額題故金鄉長汝南薛君之頌云君諱詣葉本詣作言書畫譜作頌疑誤字公謀其他文字皆完好驗其詞蓋縣長德政頌爾雖無建立年月而有吳寇未下缺耀威海隅之語知其為晉碑也

張平子碑

右張平子碑晉南陽相夏侯湛撰識緯之說興於西漢之末而爛漫於東漢之世雖一時名儒皆從而惑焉獨平子奮然闢之甚力余嘗歎以為如平子可謂豪傑之士不為流俗所移者今湛為此碑乃云金匱玉版之奧識契圖緯之文罔不該羅其情可謂不知平子矣

宋本作謂

宋本罔作罔

趙浮圖澄造釋迦像碑

右趙浮圖澄造釋迦像碑唐封演聞見記云內邱縣西古中邱城寺有碑後趙石勒光初五年立碑云太和上竺浮圖澄者天竺大國附庸小國王之元子也本姓濕此碑即演所見其說皆同按晉書藝術傳澄本姓帛氏今碑作濕碑當時所立宜得其真又史作佛圖碑作浮圖二字音相近爾惟光初乃劉曜年號而以為石勒時蓋演誤也

趙橫山李君神碑

右趙橫山李君神碑題建武六年歲在庚子三月己亥二十一日癸丑按晉書成帝紀石虎以咸和九年自立

爲趙天王而載記云咸康元年僭稱居攝趙天王據帝紀則建武六年歲在己亥據載記則歲在庚子宋莒公紀年通譜獨以本紀爲據今此碑及西門豹祠殿基記竝六年建皆云歲在庚子以此知帝紀之失非二碑則晉紀與載記得失不復可考矣

趙西門豹祠殿基記

右趙西門豹祠殿基記云趙建武六年歲在庚子秋八月庚寅造西門祠殿基又云巧工司馬臣張由監作吏臣杜波馬孫殿中司馬臣王基殿中都尉臣潘倪侍御史騎都尉臣劉誼左校令臣趙升殿中校尉臣顏零等監其下刻物像甚多如土長強良碩章舒悽鬱之類其名頗異近歲臨淄縣人耕地得巧工司馬印遍尋史傳皆無此官名不知爲何代物今乃見于此碑云

晉樂毅論

右晉樂毅論石本舊藏高紳學士家集古錄云紳死其子弟以石質錢於富人而富人家失火遂焚其石者非也元祐間余侍親官徐州時故郎官趙竦被旨開呂梁洪挈此石隨行已斷裂用木爲匣貯之竦尤珍惜親舊有求墨本者必手模以遺之竦歿今遂不知所在

學生題名

右學生題名歐陽公集古錄以爲漢文翁學生余獨疑其非是蓋以爲西漢時立則字畫不類以爲東漢則東

宋本親字上空一格  
古字另起一行

此刻目為三十九  
下一刻目為百十  
似編者生次

宋本朗字缺月內  
二書  
宋本陽作楊

漢絕無二名者今此碑二名者凡數人又唐顏有意所書益州學館廟堂記載漢以來石刻皆備獨無此題名使其爲文翁學生決不冑漏落余以字畫驗之疑其爲晉以後人所立然初無所據未敢遂以爲然其後以地里書參考乃決知其非文翁學生也題名有幹江陽趙嵩典學從事史甯蜀常仲舒憲道左生遂甯董朗元明左生晉原陽容宗長按晉書志江陽郡蜀劉備置甯蜀遂甯晉原竝桓溫平蜀後蜀四郡東西兩漢時皆未自然則此碑爲東晉以後人所立無疑矣

宋武帝檄譙縱文

右宋武帝檄譙縱文按顏有意書成都學館廟堂記云

石室北壁有晉義熙九年刺史朱齡石勒宋高祖檄譙縱文其字摩滅不可備識學館記唐初立距今又數百年宜其摩滅愈難識矣然其歲月官爵猶畧可辨云

金石錄卷第二十

仁和趙先生坦校宋本于雅雨堂刻本上祇此十卷宋本諸城劉吉甫方伯有宋金石錄十卷人家一印同治中歸吳縣潘文勤令其書尚存辛丑六月記

石室先碩仰先生壽康校贈宋本十卷宋本內仍存滂喜齋遺篋其題跋數十家刻入滂喜齋歲書記乙丑除夕記識

金石錄卷二十終

金石錄卷二十一

槐廬叢書

宋東武趙明誠德父編著

吳縣朱記榮校刊

跋尾十一

後魏 東魏 梁

大代華嶽碑

後魏孔宣尼廟記

後魏孝文帝比干文

後魏比干碑陰

後魏大鴻臚卿鄭允伯碑

後魏御射碑

後魏太尉于烈碑

後魏鄭羲碑

後魏鄭羲上碑

後魏車騎大將軍邢巒碑

後魏叱間神寶脩關城銘

後魏安東將軍孫公墓誌

後魏定州刺史崔亮頌

後魏贈司空元暉碑

後魏范陽王碑

後魏賀拔岳碑

東魏膠州刺史祖淮碑

東魏大覺寺碑

東魏大覺寺碑陰

東魏高翻碑

東魏張烈碑

東魏賈思同碑

東魏魏蘭根碑

後魏化政寺石窟銘

梁重立羊祜碑

東魏敬君像頌

大代華嶽碑

右大代華嶽碑歐陽公集古錄云魏自道武天興元年議定國號羣臣欲稱代而道武不許乃仍稱魏自是之

後無改國稱代之事。今魏碑數數有之。碑石當時所刻，不應妄。但史失其事。爾余按崔浩傳云：方士初織案傳是祗織，秦改代爲萬年。浩曰：昔太祖道武皇帝，應期受命，開拓洪業，諸所制宜，無不循古，以始封代土，後稱爲魏。故代魏兼用，猶彼殷商，蓋當時國號雖稱爲魏，然猶不廢始封，故兼稱代爾。此事亦見陽松玢談藪云。案入代談藪陽松玢

著此作玢疑誤

### 後魏孔宣尼廟記

右後魏孔宣尼廟記，在今懷州界中，文詞頗古質，可喜。云孔子欲北從趙鞅，聞殺鳴犢，遂禡車而返。案葉本及作驅車其歿也，晉人思之，於太行嶺南爲之立廟焉。記太和元

年立，其額又有延興四年太上皇帝祭孔子文者。孝文之父獻文帝也。

### 後魏孝文弔比干文

右後魏孝文弔比干文，其首已殘缺，惟元載字可識。其下云：歲御次乎闡茂，望舒會于星紀，十有四日，日惟甲申。按爾雅云：歲在戊曰闡茂。又鄭康成注月令：仲冬者日月會於星紀。後魏書：孝文以太和十八年十一月甲申，經比干墓，親爲弔文樹碑而刊之。是歲甲戌，其說皆合。其未嘗改元而稱元載者，孝文以是歲遷都洛陽，蓋以遷都之歲言之也。

### 後魏比干碑陰

月夜記

右比干碑陰盡紀侍從羣臣官爵姓名按後魏書官氏志邱穆陵氏後改爲穆氏今此碑自侍中邱目陵亮以下同姓者凡三人字皆作目而元和姓纂所書與此碑正同又碑自穆崇至亮皆姓邱目陵氏姓纂亦云後改爲穆而史但云姓穆者皆有闕誤案葉本有作其

後魏大鴻臚卿鄭允伯碑

右後魏鄭允伯碑元和姓纂載滎陽鄭氏云華生七子白麟小白叔夜洞林歸藏連山幼麟號七房鄭氏允伯小白子也按後魏書幼麟傳云父華生六子又云幼麟五兄長白麟次小白次洞林次叔夜次連山而無歸藏其次第亦不同又姓纂云小白名茂而史云幼麟名羲

案而史當作北史疑自白麟以降皆其字也據碑與姓纂皆云允伯仕至大鴻臚卿而史言少卿者誤也

後魏御射碑

右後魏御射碑在今懷州按北史及魏書宣武紀景明三年十月庚子帝躬御弧矢射遠及一百五十步羣臣勒銘於射所卽此碑也碑云惟魏定鼎遷中之十載又云皇上春秋一十有七據史及孝文弔比干文皆云太和十八年遷都洛陽至景明三年蓋九年矣而碑作十載恐誤又史云宣武以太和七年生景明三年案舊本作四年誤當作二十而碑言年一十有七則當以碑爲據然則宣武終於延昌四年蓋壽三十歲而史以爲壽三十三



者亦誤也。余按禮記問天子國君之年對者皆不敢斥言魯襄公送晉侯。晉侯問公年。季武子對曰。會沙隨之歲。寡君以生。是也。今魏人乃直書其君之年於碑。豈禮也哉。

### 後魏太尉于烈碑

右後魏太尉于烈碑。云初以功臣子起家爲中散。轉屯田給事內都幢將。遷左衛將軍。而後魏書列傳云。少拜羽林中郎。遷羽林中郎將。以本官行秦雍二州事。遷司衛監。以碑考之。烈皆未嘗爲此官。又其父洛拔爲黃龍鎮都大將。而曰和龍。烈爲屯田給事。而曰給納。卒年六十七。而曰六十五者。皆史之誤。又按烈始封昌國子。改

鉅鹿公。

案烈祖栗碑嘗假封新安公後賜爵新城男疑此亦假封也

又改洛陽侯。進

封聊城縣開國子。再進爲開國伯。開國侯。其卒追封爲鉅鹿郡開國公。蓋當時之制如此。魏書官氏志不載。皆莫可考。

### 後魏鄭義碑

右後魏鄭義碑。魏史列傳。與此碑。皆云義滎陽開封人。碑又云歸葬於滎陽石門東十三里三皇山之陽。而碑乃在今萊州南山上。磨厓刻之。蓋道昭嘗爲光州刺史。卽今萊州也。故刻其父碑於茲山。余守自州。嘗與僚屬登山。徘徊碑下。久之。傳云。義卒。尙書奏諡曰宣。詔以義雖宿有文業。而治闕廉清。改諡爲文靈。今碑首題云。滎

陽鄭文公之碑其末又云加謚爲文傳載賜謚詔書甚詳不應差誤而碑當時所立必不敢諱其一字皆莫可知也已

後魏鄭羲上碑

右鄭羲上碑初予爲萊州得羲碑於州之南山其末有云上碑在直南二十里天柱山之陽此下碑也因遣人訪求在膠水縣界中遂摹得之羲之卒葬滎陽其子道昭永平中爲光州刺史爲其父磨厓石刻二碑焉按地理書後魏皇興四年分青州置光州領東萊郡隋文帝時罷郡仍改光州爲萊州云

後魏車騎大將軍邢巒碑

右後魏邢巒碑云巒字山賓而史作洪賓其爲梁州刺史碑云徵爲都官尙書而史作度支後改爲七兵尙書而史不載又巒爲崔亮所糾據碑言戎車旣班猶以在州之誣遭禁一期而史以謂元暉高肇爲巒申釋故得不坐者非也

後魏叱間神寶脩關城銘

案書畫譜作脩關城銘前目錄作造像記

右後魏叱間神寶脩關城銘題右將軍西中郎將叱間神寶銘又云維大魏神龜元年歲次戊午十一月壬午朔十日壬辰起工三十萬案謝本脩治關城并作館第敬造三級浮圖按後魏書官氏志及元和姓纂有叱門氏後改爲門而無叱間氏蓋其闕漏也

後魏安東將軍孫公墓誌

右後魏孫公墓誌其名字鄉里年壽皆不載獨其末載贈官制書云故安東將軍銀青光祿大夫棗強縣開國男孫蔚知其名蔚又云歸葬於世邑武遂知其爲邑人也按後魏書儒林傳有孫惠蔚其所書事跡與志皆合傳云先單名蔚正始中侍講禁內夜論佛經有愜帝旨詔使加惠號蔚法師焉

後魏定州刺史崔亮頌

右後魏崔亮碑題云魏鎮北將軍定州刺史崔使君至化之頌蓋亮嘗爲定州旣去郡人立此碑頌德爾其間載亮所歷官甚詳與北史及後魏書列傳多合惟其自

定州歸朝歷殿中都官吏部三尙書而傳但言自殿中遷吏部爾亮以正光二年卒而碑神龜三年建在亮卒前故自爲侍中以後事碑皆不及載也

後魏贈司空元暉碑

右後魏元暉碑據後魏書列傳云暉鎮西將軍忠子而北史以爲忠弟德之子今以碑考之北史是也又碑云孝文時爲主客郎中而魏史言世宗卽位拜此官碑云神龜二年卒而史言元年卒者亦非是其餘遷拜次第時有不同不盡錄也

後魏范陽王碑

右後魏范陽王碑云王諱誨高祖孝文皇帝之孫太師

據此書如書後  
子列傳脫為北本  
時已出於史之有  
於本書

武穆王之子今世所傳後魏書北史孝文諸子列傳皆  
文字脫落不完惟孝明紀載孝昌二年封廣平王懷庶  
長子誨為范陽王以此知其為懷子據碑云懷諡武穆  
而傳作文穆者誤也誨仕至僕射為尔朱兆所殺事見  
莊帝本紀

### 後魏賀拔岳碑

右後魏賀拔岳碑岳當時名將也北史及後魏書皆有  
傳初為尔朱榮親將其後齊神武使侯莫陳悅害之尔  
朱榮凶殘狂悖蓋魏之莽卓也而碑乃以為圖伊霍之  
舉豈不可笑也哉然魏收為魏史受榮子文略之賂亦  
以榮比韓彭伊霍乃知貪鄙無知之徒世不乏人也按

莊帝諸書皆作孝莊而此碑獨作孝壯疑書碑者之誤

### 東魏膠州刺史祖淮碑

右東魏祖淮碑云君膠州平昌安邱人也六世祖逖又  
云其卒贈膠州刺史按後魏永安中分青州置膠州隋  
開皇五年改為密州焉

### 東魏大覺寺碑

右東魏大覺寺碑在洛陽碑陰題韓毅書據北史毅魯  
郡人工正書神武用為博士以教彭城景思王攸當時  
碑碣往往不著名氏毅以書知名故特自著之也然遺  
跡見於今者獨此碑爾

### 東魏大覺寺碑陰

右大覺寺碑陰題銀青光祿大夫臣韓毅隸書蓋今楷字也。庾肩吾曰隸書今之正書也。張懷瓘六體書論亦云隸書者程邈造字皆真正亦曰真書自唐以前皆謂楷字爲隸。至歐陽公集古錄誤以八分爲隸書自是舉世凡漢時石刻皆目爲漢隸有一士人力主此論余嘗出漢碑數本問之何者爲隸何者爲八分蓋自不能分也因覽此碑毅自題爲隸書故聊誌之以祛來者之感

### 東魏高翻碑

右東魏高翻碑翻齊獻武王歡叔父也魏書本傳云以元象中追加贈諡碑後題建立歲月文字殘缺惟有魏元字可辨又云歲次己未按東魏孝靖以元象二年十一月改元興和是年歲次己未此碑蓋元象二年建立也

### 東魏張烈碑

右東魏張烈碑在今青州界中文字摩滅以事考之蓋張烈也按北史烈傳烈爲家誠千餘言臨終勅子姪不聽求贈但勒家誠立碣而已卽此碑是也其卒葬年月殘缺不可辨傳亦不載惟青州圖經稱卒於元象中云

### 東魏賈思同碑

右東魏賈思同碑思同與其兄思伯後魏書皆有傳云青州益都人今其墓乃在壽光縣而思伯之碑亡矣

### 東魏魏蘭根碑

右東魏魏蘭根碑。按北史列傳云：蘭根起家北海王國侍郎，而碑云起家奉朝請、遷員外散騎侍郎。碑云以在岐州之功封永興縣開國侯，而史不載。又史云天平初謝病，以開府儀同歸本鄉。武定三年薨，而碑云薨於天平二年，其卒也。史云贈司空，而碑作司徒，皆當以碑爲正。

後魏化正寺石窟銘

右後魏化正寺石窟銘。北史及魏書有宦者抱嶷傳云：嶷終於涇州刺史，自言其先姓杞，後避禍改焉。今此碑題涇州刺史杞嶷造，疑後復改從其本姓爾。

梁重立羊祜碑

右羊祜碑。梁大同中，以舊碑殘缺，再書而刻之。碑陰具載其事，今附於次。

東魏敬君像頌

右東魏敬君像頌。敬君名曦，顯雋從弟也。碑云：千世祖漢揚州刺史韶。按後周書敬珍傳、唐書宰相世系表皆云：韶漢末爲揚州刺史，與此碑所書同。而姓苑與元和姓纂皆作歆，疑轉寫之誤。又據碑，顯雋乃韶十世孫，而姓纂以爲九世，恐亦誤也。

金石錄卷二十一終

書